

ርእሰ ኢሰይያስ አፍወርቂ፡ ምን መስር አቅበለ

ርእሰ ኢሰይያስ አፍወርቂ፡ ምን የም 7 ጁን ዲብ ጅምሁርየት መስር ወደቀ ለጸንሐ ዝያረት ሸቅል እንዲ አትመጡ፡ የም 11 ጁን ቀደም አዝሀር አቅበለ።

ክምስልሁም ብንየት-ተሕትየት ሚናት ወመዋሰላት ወራታት ትሩድ እግል ልግባእ ለከሰሶም ጀጎት መምሬሕ ሸቅል ሀበው።

ርእሰ ኢሰይያስ ዲብ መስር ዲብ ጸንሐ ዲብ፡ ምስል ርእሰ ዐብደልፈታሕ አልሲሲ ዲብ ወደቀ ህድግ፡ ታእሪካይ ወናይ ሕውትነት ምስንየት ኤረትርየ ወመስር ዲብ ለትወቀለት መርሐለት መዓወነት እግል ትብጻሕ፡ ዲብ መጃል እቅትሳድ፡ ሰያሰት ወዲፕሎማሲየት ምስዳር እግል ትትነሳእ እብ አሳሰ ለገብአት መፋህመት ወለትበጽሐ እትፋቅ፡ ዲብ ርዝቅ ዓሴ

እብ አሳሰ እሊ፡ ኤረትርየ ወመስር፡ ዲብ መጃላት ተዕዲን፡ ብንየት-ተሕትየት፡ መዋሰላት በሐር ወዲብ ሚናት ለለአትጸብጠን፡ ጠወሮት ሚናት ኤረትርየ ወእብ ፍንቱይ ህዩ ዐሰብ፡ ባጼዕ ወማርሳ ፋጥማ፡ ፈርያት አድውየት፡ ብንየት አብያት-ሰከን፡ ክምስልሁም እግል ክልኢተን ለደውለት እብ አርድ፡ በሐር ወባቡር-ምድር መትጻባዋ እግል ለሀሌ እብ ሕበር እግል ልሸቀየ አተፈቀየ። ተቅሪር ናይ እሊ ዲብ ሰፍሐት 4 ህሊ።



ሰእሊ-ሳልሕ ዓብደልጃድር

ሳብተት ሰፊረት ኤረትርየ ዲብ ምጅልሰ ቅራን ድድ ኤረትርየ እተ ትቀደመ ተቅሪር በሊሰ ተህይብ

እብ ሳብተት ሰፊረት ደውለት ኤረትርየ እት መዝመት መጅልሰ ቅራን አሰይይ ሶፍያ ተሰፋማርያም ለትመረሐ ልኡክ ኤረትርየ፡ እት የም 15 ጁን እት ጅኔሻ እተ ገሌ፡ ሓለት ሕቁቅ እንሳን ዲብ ኤረትርየ እብ ከሰሰ እተ ትቀደመ ተቅሪር ለገእ ህድግ፡ ከሊመት አሰመዐት። ሰፊረት ሶፍያ እተ እግል አሰመዐት ከሊመት፡ እግል እብ ቤት ጎማት ሕቁቅ እንሳን ለትቀደመ ተቅሪር፡ ለተለየ አግቡይ፡ አኪደት ለአለቡ ጸበዋ ወምን አማን ለራመት ሐብሬ፡ ኤረትርየ እብ ደሚሩ ወጽበጡ ክም ኢትትከቡ፡ እት ሸርሕ፡ ክም ደማን ለቡ ዓማት ወአርእሰ ህድግ እግል ልግባእ ክም ኢቀድር ወደሐት። ለተቅሪር ለአዳሌት ጀህት፡ እት ሕቡዕ ወደማን ለአለቡ ዓማታት አሳሰ እንዲ ከራት፡ እግል ሐብሬ ናይሊ ወሱቅ ሄራር ከደማት ዓፍየት፡ ተዕሊም፡ ደማነት ነብሬ፡ ብንየት ተሓትት፡ ክምስልሁም ተጠውር እቅትሳድ እጅትማዕየት ለቦም መአሰሳት መዝመት መጅልሰ ቅራን ወብዕድ መዝማት ወግም ብዙሕ ሰበት ኢተህይብ፡ እሊ አማን እሊ እት ተቅሪሩ መዕነት ለቡ ሸክል እቡ ክም ኢቀርብ እት ሸርሕ፡ እብ መጆቡ እብ አትሻካት ናይ ካርጅ ለልትቀደም ሸካዊ እንዲ ኢለአትጫሬ ክም ቀድም፡ ሰፊረት ሶፍያ ሸርሐት። እት ደንገብ፡ ኤረትርየ ክእኒ ለመስል እሰባት ለአለቡ ሸካዊ እብ ትሉሉይ ትበልሰ እቱ ክምስል ጸንሐት እት ሸርሕ፡ ደገም እሰባት እግል ልግባእ፡ አው ህዩ ናይ አትካፊአት ሸካዊ እት አማን እግል ልትበደል ክም ኢቀድር ወደሐት።

ነቅሬ፡ መድረሰት ፈንየት ዊነ ደረሳህ ተአድሕር

እት ሙዲርየት ነቅፋ ለህሌት መድረሰት ዳክልየት ፈንየት ዊና፡ 42 አዋልድ ለብእቶም 118 ደረሰ፡ እት የም 14 ጁን እብ ሸሃደት አድሐረት። ለትደሕረው፡ እብ መጃላት አትሳናይ መካይን፡ ከህረቡት፡ ወራታት ብናእ፡ ክምስልሁም ነጃረት ወሕዳደት እግል 2 ሰነት እብ ፍዕል ወሸርሕ ድራሰቶም ታበዐው። ሙዲርላ መድረሰት መምህር ቃልአብ ዘርኡ እተ ቀደመየ ልእከት፡ ደረሰ ራክባሙ ለሀለው ደርሰ እት ወራት ብናእ ወጠን ለቡ ዶር እት ሸርሕ፡ እግል ወጠኖም ወሸዕቦም እብ መትሰባል ክም ከድሞ ለቡተ ሰእየት ሸርሐ። እት ወዛረት ተዕሊም ሙዲር ግም ቅስም ቱክኒክ ወድራሰት ምህናት አሰይድ ተሰፋይ ሰዩም ህዩ፡ መድረሰት ፈንየት ዊና እተ ሐልፈየ 36 ሰነት ለአፍራቶም ሸባብ፡ እት ለትፈናተ ድዋራት ዐድነ ለልትሐመድ ካድም ሰርግሎ ክምስል ሀለው እት ሸርሕ፡ ዘማናይ አላት እግል ለሀሌ እሊ እብ መትሐሳር ልትከደም ክም ሀለ ሸርሐ። ወከለትላ ትደሕረው እብ ተራተ፡ አሳሰይይ ላቱ ዕልም ራክባም ክም ሀለው እት ተሐብር፡ ወጠን ለትጠልቡ ዶር እግል ለአግዱ ዱሉያም ክም ሀለው አከደት። እት ደንገብ ለፈደበው ደረሰ ጀዋእዝ ልትከቡቶ እት ሀለው፡ እብ ትደሕረው ለፈረ ወራት ህዩ እግል ዕፌ ትቀደመ።

ምግብ፡ እብ መናሰበት አምዕል ሹህደ ኤረትርየ ወራታት ኬወ ገብእ

እት አቅሊም ምግብ፡ እብ መናሰበት 20 ጁን አምዕል ሹህደ ኤረትርየ፡ ወራታት ኬወ ትሰርገለ። እብ አሰሰ እሊ፡ ዕልብ 35ይት ሰነት ዒድ ሕርየት እት ዐደም እግል ልዐይዶ ለመጽአው ኤረትርየን ሰካን ሆላንድ፡ እት የም 11 ጁን እት መቃብር መሐርበት አሰመራ፡ ክምስልሁም አንፋር መሕበር ተዓዊን ክፈል ጁሽ 85 ናይ ቡዲር፡ ሸቃለ እሰብዳልየት መርጅዕየት ሐሊበት ወወዛረት ማልየት ወዐማር ወጠን፡ እት የም 13 ጁን እት ሐረት እት እሰብዳልየት ሐሊበት ዕጫይ ሹቀረው ወነዳፊት ድዋር ወደው። ሕድ እብ ሸብህ፡ እት የም 16 ጁን ሸቃለ ኤራቴል እት መቃብር መሐርበት አሰመረ ሕድ ለሸብህ ካድም ሰርገለው።



አንፋር መሕበር መትሰዳዳይ ክፈል-ጁሽ 37 ለዐለው፡ እብ መናሰበት ዝክረት 20 ጁን ዲብ መቅበረት ምሐርበት ምዴርየት ህይቡት ወራታት ኬወ ሰርገለው። 20 ጁን፡ ጀላብ ሕርየት አርወሐቶም ለሰበለው ፍራሰ ሹህዳን እብ ዐማር ገለድነ ለእንጀድድ እተ አምዕል ሰበት ተ፡ ለወራታት ኬወ ዲብ ወዱ ሐቦን ክም ልትሰምም ለሐበረው መሻርከት፡ ምስል ሰካን ህይቡት መዐወነት እንዲ ገብአት ዲብ ወራታት ብናእ 'ሐረት መቅበረት ሐምድ እድረሰ ዓዋቱ ዶርም ክም አግደው ሸርሐው። ህቶም እንዲ አትለው፡ እማነት ፍራሰ ሹህደ እግል ትትመም ኩሉ ጀህት መጅተማዕ መሰኡልየት እንዲ ረፍዐ እግል ልክደም ሐቆለ አትፋቀደው፡ እግል ዐኢለት ሹህደ እብ ሐርሱ ሀረሞ ወአትሳኦት ቤት ክም ልትሳደው ሐበረው።

ውዛረት ካርጅየት አምዕል አፍሪቅያ፡ ተዐይድ

ውዛረት ካርጅየት፡ ውዘራ እ ለብሉቶም ውቁላም ሰብ-ሰልጠት ሕክሙት ወጀብሀት፡ ዲብ ኤራትርየ ለመርከቡም ሱፊራ እ ወዲፕሎማሲዩን ወዘተ-መት ለገብአት እግሎም ዲብ ሐድረወ ዓደት ዲብ የም 13 ጁን 63ይት አምዕል አፍሪቅያ ዐደደት።

ዲብ አሰመረ - ፋንዱቅ አሰመረ ፓላስ ዲብ ገብአት ዓደት፡ ወዘር ካርጅየት አሰይድ ዑሰማን ሳልሕ እተ አሰምዐየ ከሊሙት፡ አምዕል አፍሪቅያ ዲብ ዐድኑ።” አፍሪቅያ ኦሮት ልብ፡ ኦሮት ምድር ወኦሮት መስተቀበል” እብ ትብል ስቅራት ናይ ሕበር ሀውየትኑ ታሪክኑ፡ ሰዋልፍኑ፡ ምስገዮትኑ ሕድርኖትኑ፡ ወመዓወነት እግል ሕድ እብ ሸርሕ ጽበዋ ትትዐደድ ክም ህሌት እንዴ ሐበረ፡ ፋእየት፡ ዋድሐት ለብ፡ ዋውርት ወሰላም ለትመደደት እተ አፍሪቅያ ወመዋወኒን እንዴ አቋምን ዲብ እድንያይ ጀልሳት እብ ትወክል ሕሊት ዋቅየት እግል ትትሐቀቅ ክም ትቀድር ሸርሐ።

ወዘር ዑሰማን እንዴ ኣትሉ፡

ሸዑብ አፍሪቅያ ምስል አርዛቁ እብ ድብር ልትጀረሱ፡ ወደግሸ አርሐውት ኣዳም፡ ማል፡ ወኣብነት ናይ እለ ቃረት ደምር ክም ሀለ እንዴ ሐበረ፡ እብ ደረጀት ቃረት አፍሪቅያ፡ እብ ጌማም ሓድር ተዋልል እንዴ ገብአ ለዲብ ደረጀት ድህርት ለሀለ ናይ መዓወነት ወውሕደት ድወል አፍሪቅያ፡ እግል ልትደቀብ፡ ምን መሻክል ለባልሕ ሕበር ለተኣሻርክ ስትራትጅየት ከም ተትሐዜ ኣትፋቀደ።

ወዘር ዑሰማን እንዴ ኣትሉ፡ እትሊ እድንያይ ግዛም ልትበደል እቱ ለሀለ ወክድ፡ አርዛቅ ወዕላቃት ስትራትጅ ለገብአ ጅግረ ጋይደት እተ ህሌት እቱ ወክድ፡ መትብዳል ሓለት ጀው፡ ፈርሀት ዓፍየት ገቢል ወኢመትሳዋይ ለመስል እድንያይ መሐሊኪት ናይ ሕበር ሐል ከም ጠልብ እንዴ ሐበረ፡ ዲብ ክእነ ለመስል ቴላል አፍሪቅያ እብ መብዳእ፡ ኣክላቅያት፡ ወረይም ለተኣጽር ናይ ሕበር ፋእየት አርዛቅ እግል ተኣትመቃርሐ።



ስኢሊ-ሳልሕ ዓደልጅድር

ሐቀ ቀድረት፡ ዐቦት ሕበር ወዐማር ዳይመት እግል ተኣክድ ክም ትቀድር አፍሀመ።

ሰፊር ጀምሁርየት ግብለት አፍሪቅያ፡ ዲብ ኤራትርየ ሚስተር ፐርሰቪረንስ ምብዘሊ ኩምሻ እብ ጀሀቱ፡ አምዕል አምሪቅያ፡ ምን ዒድ ወኪን ለትገይስ ትርጀመት

ክም በ እንዴ ሐበረ፡ ሄራር ሕበር መስተቀበልን እግል ነኣክድ ወእብ ቃረት እግል ንሕሰብ በክት ለተሀይብ ክምተ እንዴ ሸርሐ፡ አፍሪቅያ ዲብ እድንያይ ጀልሳት ኣካነተ ዋጅብት ወናይ መብዳእ ሸርኩተ ከም ተኣትሐዜ ኣብርሀ።

እሊ ክእነ ዲብ እንቱ፡ እብ

መናሰበት አምዕል አፍሪቅያ፡ ናይ ሕበር ማሕበር ግማት ወፍንጌ ምን ዲፕሎማሲዩን ወሰፋራት ድወል አፍሪቅያ ዲብ ኤራትርየ ለቁመ ፈሪቅ ወፍሪቅ ኮበሪት እገር ኣንፋር ውዛረት ካርጅየት ዲብ ስታድዩም አሰመረ ናይ ምስገዮት ትልህየ ገብአት።

ኤራትርየ ዲብ ዋዕላታት እዲን

ኤራትርየ፡ ዲብ ዝክረት አምዕል አፍሪቅ ወ63ይት ሰነት መትኣሳስ እተሐድ አፍሪቅ፡ ክምስልሁመ ሰልፋይ ዋዕላ እዲን ሰይንት-ፒተርስበርግ ሻረከት።

ሰፊር ኤራትርየ ዲብ ቀጠር አሰይድ ዐሊ እብራሂም፡ ዲብ ኣደውሐ ለገብአት አምዕል አፍሪቅ ወ 63ይት ሰነት መትኣሳስ እተሐድ አፍሪቅ፡ ኤራትርየ እንዴ ወክለ ሻረከ።

ለእት የም 8 ጁን ለገብአ በርናምጅ፡ ውርስ ተእሪክ ወዓዳት ሸዑብ ኤራትርየ፡ መናበረት ውብዝሐ ግርመት ለብብስ ወቋምያት ኤራትርየ ውብዕድ ሰዋልፍ ምጅተማዕ ለሸፊሕ ዕፌ፡ ክምስልሁመ በራምጅ ዐማር



መዓወነት፡ እቅትሳድ እድንዮ፡ ሐያት እጅትማዕየት ዲብ ዘበን ቴክኖሎጂ፡ ወናይሊ መጽእ እትጃህ ቴክኖሎጂ፡ ድዋር ወእዳረት መጅተማዕ ለተክበ ህደግ ገብአ።

እብ ጀሀት ብዕደት፡ ጃልየት ኤራትርየ ዲብ ጀደ ወድዋረ፡ “ዑፊት መራዐየት፡ ዑፋይ መጅተማዕ” ዲብ ሐንቴላ ትብል ስቅራት፡ እት የም 6 ወ 7 ጁን ዲብ ለትፋናተ ምህንት ሕክምን ለሸቁ ኤራትርየን ለሻረከው ዲብ በርናምጅ ዓፍየት ወዳት።

ለእብ መትምማይ ቁንሰል ደውለት ኤራትርየ ዲብ ጀደ ወድዋረ አሰይድ ዑብዱራሕማን ዑሰማን ወመስኦል ጃልየት ኤራትርየ ዲብ ጀደ ወድዋረ አሰይድ ዑብደልቃድር ማልክ ለትዝመ፡ ወእብ መዓወነት ምስል እስብዳልየት ዕንታት ኣል-ሲጋፍ፡ መሕበር መራዐየት ዓፍየት ኣጅኒት (ፈላዛት)፡ ክሊኒክ ራመ መራዐየት ቀርብት ክምስልሁመ ክሊኒክ ስምቡላ፡ ለገብአ በርናምጅ፡ እግል ሐድ ኦሮት-አልፍ ዲብ ጀደ ወድዋረ ለነብር ኤራትርየን፡ ከደማት መርመራታት እብ ለሀ ተህየቡ።

ዲብ ደንጎብ ህዩ፡ ዲብሊ በርናምጅ ለሻረከው ሸሃዳት ሐምዴ ተህየቡ።

ኣፈትርየ ግጽጻሕ

ክል ኣርቡዕ ለትጠብዕ ጀሪደት

መዳልያይ፡ - መሐመድ እድሪስ

ለይኣውት ወኣርተገት

* ዘሀረ ዐሊ

* ፋዋን ኣድም

ተለፎን፡ 121797/201820 (258)

ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡163471-07588045

ኣትኣመሮት፡

ተለፎን፡ 125013፡ ዕ.ሰ.ቡ፡ 1284

ኤራትርየ ዲብ ኣብነት ስዩሐት ለሸፊሕ ፊልም-ውሳኢጅ ዲብ ዓፍየት ትቀደመ።

ቤጽሐት፡ ለትቀደመ ዕፌ እብ መትዐጃብ ሐቆለ ዐፈወ፡ እብ ክሰብ ናይ ኣማን ዓዳት ወታእሪክ ኤርትርየ ዝያደ እግል ለአምሮ ምራዶም ሸርሐው።

እሊ ክእነ ዲብ እንቱ ሰፊር ኤራትርየ ዲብ ፈደራልየት ፍሰየ አሰይድ ጴዋርስ ጸጋይ፡ ምን የም 3 ኣሰክ የም 6 ጁን ዲብ መዲነት ሞስኮ - ፍሰየ፡ ዲብሊ ገብአ ሰልፋይ ዋዕላ እቅትሳድ እዲን

ሰይንት-ፒተርስበርግ ዐዳ እንዴ ወክለ ሻረከ።

ሰፊር ጴዋርስ መዋመጦርሊ ዋዕላ፡ ምስል መኣሰሳት ብዝሐት ወሸሪካት እጅትማዳት እንዴ ወደ ዲብ መዓወነት ሕበር ሀድገ።

ለእብ ርኢስ ሻላድሚር ፑቲን ለትመርሐ ወ ምን 144 ደውለት ለመጽኣው ሐድ 24 ኣልፍ መሻርክት ለተሐደረ ዋዕላ መኣሰሳት ተጃረት ወእቅትሳድ ዲብ ሐቱ ዐግሎ ለለኣትራክብን፡ ዲብ 4 ዓመድ ለተክበ በህለት ዲብ

አፍሀምቦል፡ ብቆት ነድ ሳደፈት

ዲብ ሕሊል በርኩ በነት አፍሀምቦል ዲብ የም 9ጁን እት ሐድ 30 ሄክታር ኣርድ ሐርስ ነድ ሳደፈ።

ለነድ ፍንጌ ምዴርያት ድጌ ወክርክበት፡ ምን ከዋን ከርክበት ዲብ እንክር ግብለት ዲብ ሀለ ድዋራት ጀረ።

እብ ብቆት 750 ዕጩት ዐርክቡብ፡ ሐድ 270 ዕጩይ ያበል፡ ለብእቱ ዐጩይ ኣሰል ከምትደመረ፡ ምን መኣሰሳት እንሱሰ ወዘርእ ሐርስ ቅብለት ምውዳቅ ጽኣይ እንዴ ኣደገት ለበጽሐተን ሐብሬ ኣትኣመረት።

ለነድ እብ መዓወነት ኣንፋርሊ

መኣሰሳት፡ ሸዑብ፡ ወእዳረትሊ ባካት ዲብ መራቀብት ክም ኣተ ተሐበረ።

ሰብብሊ ነርድ፡ ሰብ ንዋይ ክል አምዕል እግል መንበራቶም ለልትነፍያ እብ እሳት እብ ዋጅብ እንዴ ኣለኣቅሱን ለሐድግወ እግል ትግባእ ክም ቀድር ተሐበረ።

1ኛ ክፋል

ወለል ሐምሌ!!

ክልሉት በህል ልባብ እግል ክቱብዬ መጠገሰ ወመክለሰ እግል እውደየን ሓሪህን ህሌት። ሰለሰ ሕክመት ህለዩ። ሐሰት አርድ ተሰንፍር። አሰክ አማን እሰኝ ተወጭል (ተላውሽ!) ማርክ ትዊን።

ማን ክልሉት ነፈር ለአትሐዙው፡ ለዎርት በልሰ (ነቅም) እብ ወለዎርት ልፍህመ። ጀብራን ከሌል ጀብራን ሰርገ አንሳይት ደሀብ፡ ወሰርገ ወድ ተበወት አደብ!። ብህላዩ ለኢተአመረ። አላህ! አህ!! እትሰሄ ለህሌት መሰሌክም? እትዐጀብ ወእት ፈከር ህሌት። “ሚ ህሌት ትብሉ ተህሉ?” እት ተዋልል እሊ እቱ እነብር ለህሌን ኮን!! ምስጢሩ ምን ገብእ ለአምሩ ወደልዩ!? መካሪት አድብሩ፡ ወመዳንን ረወራቱ፡ ወመሻብብ ሐሰዶቱ፡ ወመዳይር አወድጉ ወመሐዛቱ፡ ወለእቱ ልትክዔ ማያቱ፡ አብሐሩ ወምሕግቱ። ብቃል ምድሩ፡ ለሀወል ወዴ አካሉ፡ ሰዐሩ፡ ወአቅዎ፡ ዓጩዩ ውድብዎ።

ለዐል ግክሕ፡ ለዕርጌል ሰማሁ፡ ሰርጊት እብ ከዋክብ፡ ወወሬከ እት በርሀት ዐሰር ራብዐቱ፡ ሰመ ሓፈተ እግል ምድር፡ እግል ሞላይ ገሸክር!! ለተዋቡ አቅምት፡ ብርር እት እንቱ እት ጋድሞታቱ፡ ዓምር እት እንቱ አዋሪዐቱ፡ ሐላይቡ ወለሰገጊቱ።

ለጠሰሰ ሽማሉ ነኣትዋይን፡ ለብሩድ ሀዌታቱ፡ ወለ በለሰሰ ዝላሙ ረሶብ ልትሳሰዔ እት ሰመ፡ ደልአባብ ወጠብዋ፡ ግዩም ወለ ሃርር ዕራዩ፡ ሀዳኣተ ዝላሙ፡ ክሪት፡ ምንሰ ዕርጌሁ እብ አበርቅ ወሀዳይድ እት ትትጌለል፡ እግል ተአርዌ ለጽምእት ወእግል ተአሰቱ ለእንሰሱ።

ወቅት መክሩህመ ህሌ፡ ካቤቱ፡ ወደወደዋቱ፡ ሰመሙ፡ ወለ ትደፍን ኤተቤቱ። አቤ! እግል ምን ገብእ ተሰርገ እሊ ኮን!? እግል ነኣምር ለምስጢሩ፡ እግል ለሓፍዝ እቱ ልርዐዩ፡ እግል ርሐ፡ እግል ዕፌ ለጀላሉ፡ ወኢልትበረሰ ለሞዳዩ።

ሐቆ እሊ ክሉ ካኖት ወመሀይኦት፡ ወድ ሚን አደሚ ትከለቀ፡ ወመሰኡልዩተ ኮን እት ሰጋዱ ረፍዐ፡ ፡ እግል ለሓፍዝ እቱ ምን ተለፍ ወፈን። ሰይድን አድም እት ጀነት በል ክምሰል አበሉ፡ ወክለ እግል መንበረት ለተአትሐኪ እንዴ ኢልሰእን፡ ለውቀት ሰኣነ እት ደሚሩ ወእት ልቡ ጭንቡ ወ አግረሰ። ላመ እግል ገብእ ህለ ወለእብ ልሽዕር ክሉ ክሉ ኢተአመረት እግሉ፡ ወመሰጠፈ መትኮታቱ አደሰ። ሰፈላልተ ገብእ? ሚ በይን? ቀደም ለሀ ምስል ዎርት እትዋጀህ ወምን ዎርት እትፈንተ። መትዋላብ ማን ወገሉብ ኢለውቀት እብ ሽዐራ፡ ወእብ አኖካይ አተቅሰ።

እክርር ክምሰል ቤል ምን ሰምዋ ገለቡ (ሰጤት) እተ ኮን እብ ፍዋሪት ሐዳሰ፡ እት ጀፈሩ እብ ግሳይት እምነ ሓወ ተበሸረ። ወለ ግርመተ ኮን እብ ህለዩተ ለእብ ደሚርክ ተአትዋይን ግርመት ኢኮን፡ እብ ዕንክ ልትርእዩ፡ ወእብ እዳክ ለተምት፡ እብ ዛህረት ረኣ ወሰምዐ፡ ተመቅረሐ ወሰክክ።

“ሰክን እንተ ወእሲትክ” ትእዛዝ ሞላሁ ሰምዐ። እሰልፍ ለሰክን እት ደሚሩ አተ ወለእግል ሓግል ለዐለ ለውቀት እብ ህለዩተ አዋመእነ ወሰኩን ወደ። አድም ምን አዲም (ትርበት) ትከለቀ ክእብ አድም ትበህለ። ወእምነ ሓወ ምን ሕያይ (አድም) ትከለቀት ከእብ ሐወ ትሰሚት። አይወ! ተሐባብረት ለክልቀት ትርበት፡ ወኑር (ዐቅል) ወለሸሀውት እግል አተላለዩት ትርፈ። እንዴ ተበህለ። ለኑር (ዐቅል) ሐቆ ተደቀብ ለዐደ ረትዐ ወለ ሚርሐት እብ ገባዩ ገብአት ለአምር ትዩሰረ። ለሸሀውት ሐቆ ደቀብት ለተዋልል ሸክፊ ወለርሐሰት ሸንክት እት እዴ ገለብ ደለለት። ለወክድ ለሀይ ትረኣ ለበደ ወለ ፈን።

እብ ክምእኒ አድም ወሓወ ትንቡረት ታርፈ። ከረው እቱ እሊ ኮን ለምን ጀላሞ ለትከለቀ። ሐያት ሄራረ አሰተብዳት፡ አሌፍ እንዴ ትቤ ወበእ አሰረ አትዐራት፡ ወየእ መክለሲ ሕሩፍ አትመመት።

እምነ ሓወ አርበዐ ዶል ሕነት ወዴት፡ ወእትክል ሕነተ እብ ሕጻን ወለት ትበሸረት። እግል አተላለዩት ታርፈሆም፡ ለሰልፋይ ሕጻን ምስል ካልአይት ሕቱ ዐቅድ አሰረ። ላመ ካልአይ ሕጻን ምስል ብክር ሕቱ ሀዳዩ ወደ። እበለ እት ለአተላላ ለዶር እት ሀዳይ ሃቤል (አቤል) ወቃቤል (ቃኤል) በጽሐ። ቃቤል እት ደሚሩ ቅንእ ወሐሳይት አግረሰ። ለምሰሉ ውልደት ዐለት መንታይቱ ሐሁ ሃቤል እግል ልሀደዩ ክሉ ክሉ ኢትከበተዩ አማን እት እንተ፡ ሰለፍለ ፍንጌር ወለበአሰ ለአምዕል ለሀ፡ አክይድሰ ጽምዱ ወድተ። “ሕቱ ክፍእት ተ፡ ቅብላተ ሕቼ ለግርም ዩሀይቡ ተ” ዐለት ምስምሳህ በአሶም ዐድ እተ እት ነሐር አሕድ በጽሐ። ክል ዎርት ህይ እግል ዜረፍቶም ግልቱ በልሰ።

እሊ ምድር ደም ሰልፍ እተ ነሃር ለሀ ትከዐ እቱ። ምድርመ መሐለ ምን ሸረብ ደመ ዝልም ለእብ ኢትወጀቡ ትከዐ። ሞት ትቡረት ከሬት እብ ሰብብ ቅንእ እት አንሳይት ለቀብር እብ ሞት ሃቤል አሰተብደ። አይወ! ለእት ሰልፍ ትከለቀ አድም ዐሰ፡ ወሓወ ሐሬ ላለውቀት መጸአት ምስል ወለታርፈ። አተላለዩት አክደት፡ ህቱመ እት በልቀት ወኢወልደ። ሰር ወላድ አድም ህተ ዐለት፡ ወለሰር ለተርፈ ምን ርሕመ ትወለደ። እት ሐንቴህ ተረብ። አላሁ ዓልም ወመሰጠር ግርመት እሊ ኮን እት መጸአተ አዝሀረት። እሊ ለእግሉ እቤ በዲር እት ልደገምቱ ለጸንሐ። አይመ እንርእዩ ወእንሰምዑ ተዋልል አማን ምን ደሚር ዎርት ኢበደ።

አርድ ምን ጽብሕ ምድር፡ አሰክ ሰር አምዕል፡ ለመሰኡልዩት በርሀት ወሐፋነት ለትሀየቡት ጸሓይ፡ “እትላ ሐንቴላ እንጭሎቱ፡ መዝሉም አደሚያይ፡ ምን ጀንሱ መክሉቅ

ኢሉትሐኪኒ” ትብል ለህሌት እት መሰል እትለሀ አምዕል እንዴ በጽሐት፡ ሐፋነተ እግል ክሉ መክሉቅ እሊ ኮን “ያለ ብልዐ።” አሰክ ልብል ትመቅረሐቱ።

እሊ መክሉቅ አደሚያይ ህይ፡ ለእግል ረክብ ነሲቡት መቃብል አክይ ፍዕሉ ወውዳዩ እት እንተ፡ እብ አፍሁ እት ለአትማርር፡ ለንዕመት ሐቱ ዐክሰቱ ምንዲ ገብእ፡ አሰክለ ካልእ ንዕመት ሞላሁ እት ለሀርብ ወሰኪ፡ ትርእዩ። እት ሐንቴ ዐዝለት እት ለሀርብ ምን ልትረኣ ዐለ። ወድ አደመ ሞሉ፡ እሊ ኮን እግሉ ሰበት ሀዩአዩ ወሰርገዩ እግል እትመሸንገሉ ክሪት ለህሌት መሰኡልዩት ሴመ እንዴ ኢገከሐ፡ ወምን ተለፍ ወፈን እንዴ ለሓፍዝ እት፡ ክምሰሁ አደሚያይ እት ቃሸሽ ወልትሓሰድ ትርእዩ። አይወ! ልክታረ ሐሰድ ምን ሃቤል ወቃቤል ለአሰተብዳ።

እትላ እዲነ ትምቡረት ክል መጅተመሐ ሐያት ጸዋ ተ። አናመ ዮም ምስል ተዋልል መንበር ጸዋን እግል እዋሌክም ምንዲ ሐኪኮ ተ። እምዬ ወአቡዬ እብ ሕሸመት ወፍቲ፡ አሕድ ላልትዳገም፡ ወክምሰል መሰል ሰኔት ላልትፈቀዶ ክልኦት ምሱኒዮም ሰብ ጸዋቶም። እምዬ እት ናይ ብሕተ ሸርከት ክምሰል መውዘፈት ካትብት መዲርለ ሸርከት ተ ለትሸቄ።

አቡዬ እግል መሳየሪት መናበረት ጸዋሁ፡ ምን ፈጅር ብገሱ ምኑ ለዐለ ዳሩ፡ ማሲ ምድር ገርቡ እብ ተዐብ ወፈተር ለሐክት ፈግረት ምኑ እት እንቱ አሰክለ ምኑ ብገሱ ለዐለ ጸዋሁ ገጽ በልሰ። እምዬ፡ ቀደም እብሃዝት አቡዬ፡ ክሉ ለእተ ሐሽነ ግንሐት ዕን ለኢትረድዩ፡ አግርቡት፡ ወመላብሰ ሐቱተ ከይማመ ተአጸብጠ ከትጸንሐ። ክምሰል ጀሀራይ ጽብሕ ምድር፡ ለሞዳይ እብ ሸርቀት ፈጅር ለትበሸር፡ ለህሌት እት መሰል ለግሩም ገጽ፡ ተበሰም ፈርሐት ወለውቀት ራሰመት እቱ እት እንተ ተጸንሐ። አቡዬ ምን ዕለታይ ሸቅሉ ገእ ክምሰል አበሉ፡ እምዬ ለቴባት ኢትሐኪ እት ሴራ፡ ክመክምት እት እንተ ተጸንሐ። “አህለን ወሰህለን፡ አብ ጾወ፡ እብ ምጸአትክ ፈርሐክ፡ ወእግል ከብቱክ ተነሸግክ፡ ሞላነ ለእቱ ንትከለል! ደብር ልእቡ ንትሌሌ! ውሓይሰ ወሕሹም፡ ለእቡ ንትሰሚ ወንትአቱ” እት ትብል ሐቆለ ተከበተቱ፡ ወሰናቄቱ።

ህቱመ፡ ላለሐክት ፋግረት ምኑ ለዐለት ገርቡ ምን ክብቱ እምዬ እብ ገጽ ፋሬሕ፡ ወልብ ናሴሕ፡ ከብቱህ ሐያት ዛርእ እቱ ለህሌት እት መሰል፡ እብ ክምእኒ በልሰ እተ ዐለ።

“መርሐብ መንበይት ቤትነ! በርሀት ለክሉ ለሐዝዩ፡ ወዴማት ፈርሐት ወለውቀት ለአብ ጾወ ለሐልዩ ወሰናቅዩ፡ መዝሉም ህለ ላመ ምስል ኢልትመቅረሐ፡ ወእተ ለይዔረ። ኢልግርፍ ወገህ ጋብእ ልግበእ! ለእት ቤት ጽልምት ገንገእ ለህለ” በልሰ ቅባል መባልሰ።

ከበር ውዛረት ድፋዕ፡ ምህነት ለዐለመቶም አንፋረ ተአድሕር

ውዛረት ድፋዕ፡ እግል መደት ሰለሰ-ወሬከ ለትፈናተ መጃል ለአድረሰቶም፡ ምን ቅዳዳት ቅወት በሐር፡ ቅወት ጀው፡ ክምልሁመ አቅላም ናይለ ውዛረት ለትወከለው 175 ነፈረ፡ ዮም 13 ጁን ዲብ አሰመረ አድሐረት። ለእብ ፍዕል ወከዘር ለትሀየብ ተአሂል፡ 29 ሰሐፍዩን፡ 37 ተሰዊር

አሰይድ ተሰፋ-አለም ከሰቱ እብ ጀህቱ፡ ለተአሂል፡ አተላላይ ናይለ መክተብ አትፋዝየት ወሐብሬ ውዛረት ድፋዕ አንፋር ቅዋት ድፋዕ እግል ልብቅዑ ለንዝሙ በራምጅ ተአሂል ዓም ክምቱ ሐቆለ ሐበረ፡ ደረሰ ዲብ አፍዳል-ሰኒ ወጠባይሶ ሸቅል ለሰዴ፡ እዳረት ወቅት፡ ሐብሬ ወገበይ ራትዐት መትነፍዶት፡ ክምሰሁመ



ናሽፍ ወሽድዮ፡ 59 ግራፊክስ ወአርተዶት ሺድዮ፡ 50 ህይ ናይ ቴክኖሎጂ ኮምፕዩተር ዱሩሶም ታብወው።

ዐቅል-ሰናዕት ለከምከመ መሐደራት ክም ነሰአው አፍህመ። ወኪለት ለትደሐረው ዲብ ሀብቱ ረኣይ፡ ለትከለቀ እግሉም አብካት ሐቆለ ሐመደት፡ ራክባሙ ለህለው ፈሀም እግል ዝያድ በቃዕት ምህነት ለለአትናይት ሰበት'ቱ፡ ዲብለ መጽእመ እግል ልትከደም እቡ ትፋኔት።

ቃኢድ ሀይኦት አርካን ውዛረት ድፋዕ ጀነራል ፊሊጶስ ወልዳይውሃንሰ ዲብ አሰመዐዩ ከለመት፡ መትድሕረት ክም መስተልመት ወጠን ወዌርሰት እማነት፡ ተእሪክ አጅያል ኤረትርዩ እብ ዋጅብ እግል ልትወሰቅ እብ ፈሃዐት እግል ልሸቀው ወመሰኡልዩት እግል ልርፍዮ መክረ። ምን መመቅርሐትላ ትአሂል

ዲብለ ዓደት፡ ዲብ ድሩሶም ለፈደበው ደረሰ ወለተአሂል እግል ልትወወት ዶርም ለወደው ጀሃት ሸሃዳት ወጃኢዛት ተሀየቡ።

መሀረጃን ኩልዮት ሕክምና ወዕሉም ዓፍዮት እርተ ተምም



ዓደት-ካቲመ 13ይ - ናይ ሐል መሀረጃን ኩልዮት ሕክምና ወዕሉም ዓፍዮት እርተ፡ እት ዮም12 ጁን ዲብ አሰመረ - ሐ'ረት ኩልዮት ገብአ።

ውቅል ክምተ ሸርሐ። መሰኡል መሕበር ወጠን ሸባብ ወደረሰ ዲብለ ኩልዮት ሻብ አብርሃላይ አሰፋው እብ ጀህቱ፡ መሀረጃን ኩልዮት ዲብ ዐባት ገርብ ወዐቅል ደረሰ ለቡ ዶር ሐቆለ ሸርሐ፡ ምን አምዕል ዲብ አምዕል ዲብ ልርሕብ መጽእ ለህለ ጽብዋ እሊ ለለክክድ ክምቱ ሐበረ።

ለመሀረጃን፡ እብ መጅብ ጅግረ እግል መደት ሰብ-ወሬከ ለአተላላ፡ ድሩሰ፡ ዓዳት ወርያደት ለረከዘ በራምጅ፡ ክምልሁመ ዕፌ ክያጠት ለቡበሰ ወመትቀዳም ድሩሰ ሕክምና ለለአርኤ ዐለ። ሀሚድላ ኩልዮት ዶክተር ዮማኔ ሰዩም እተ ቀደመዩ ከለመት፡ ለመሀረጃን - መቅደረት ወፈሃዐት ደረሰ እንዴ ትወቀለት ጅግራሆም እግል ልዕቤ ለሰዴ፡ ዓዳቶም ወሰዋልፎም ለለአምር እቡ ወለለሐፍዞ ዲቡ ቴለል ለከለቅ፡ ክምሰሁመ በቃዕት ብሐሰ ወፍጥር ለለዓቤ ሰበት ቱ ሐዞቱ

ዲብ መሕበር ወጠን ሸባብ ወደረሰ ኤረትርዩ መሰኡልት ቅሰም መታብዓት አቃሊም ሄለን አሜኔ ህይ፡ መሀረጃን-አርት ምንለ መሕበር ምስል ኩልዮት እንዴ ተዓወነ ለወድዩ በራምጅ ክምቱ ሐቆለ ሐበረት፡ ለትቀደመ ጽብዋ በቃዕት ደረሰ ለለአርኤ ክምቱ ሐቆለ ሸርሐት፡ ሰዳይት ናይ ሰብ ሸርከት ሸቅል እግል ትትወቅል ሊክ ቀደመት።

ዝያረት ርኢስ ኢሳይያስ አፍወርቂ ዲብ መስር

ተቅሪር፦ ጳውሎስ ነታባይ
ተርጀመት፦ ሳልሕ ገመ

ርኢስ ጀምሮ የተመሰረተው በብዙ ዓመታት አልፎ ሲሆን ዲብ የም 8 ጁን ዲብ ዲሞክራሲያዊ አዲሲቲዎችን አስተዳደራዊ እግል ርኢስ ኢሳይያስ አፍወርቂ ለወደደ እብ ናይ ሕሽመት አሰራር ወሽጎ ወጠኔ ኤሪትሮፕ ወመስር ለተሌት ናይረት ናይ ኩባቤ ፈርሐት፣ ተአምርተ ናይላ እት ትርሕብ ወትተረድ መጽእ ለጸንሐት ተእሪካይት ሕውነት ወዕላቃት ኤሪትሮፕ ወመስር ተ። ክልኢቶም ፍላጎት ለወደደ እት ናይ ግውርነት፣ መንጠቀት ወእዲነ ለአተንክብት ረሓብ ተቅጥየት ወሳኔ እዕላም ለረክብት ህድግ ህይ ሙስተቅባ ለትአጽር ተ።

እተለ ናይ አዜ ዝያረት፣ ርኢስ ኢሳይያስ ወርኢስ አሲሲ ዲብ ለወደደ እጅጉምን ሕብር ድቡኤ፣ ክሉ ዕላቃት ኤሪትሮፕ ወመስር ዲብ ለትወቀለ ናይ መትግግን መራሕል እግል ወቀሎቱ እት መጽላት እቅትሳድ፣ ስያሱት ወዲብሎማሰየት ርኢይ ከጥዋት እግል ልትሳሳእ እብ አሳሳ ለትበጽሐ እትፋቅ፣ ዲብ ርዘቅ ዓሴ ብንዮት ትሕትየት ሚናት ወመዋሰላት ካድም ትፋድ እግል ልግባእ መምሬሕ ህበው።

እብ እንክር ኤሪትሮፕ ወዘር ዑሰማን ሳልሕ፣ መትግግይ ጋራት ሰፋሪት ኤሪትሮፕ ዲብ መስር አሳይድ አማን ዑብዱልግሳስ፣ እብ እንክር መስር ህይ ወዘር ሕስር ካርጅየት ዶ/ር በድር ዑብዱልግሳስ፣ ከምሰልሁም ወዘር መዋሰላት ሌተናል ጅንራል ካምል አልወዘር፣ ሰፊር መስር ዲብ ኤሪትሮፕ ሓትም አልወጣዊ ዲብ ለሐድረው እት ጀልሱት ክልኢቶም መስኡሲን ዲብ መንጠቀት በሐር ቀየሕ፣ ምግባይ ምፍጋር ጸሓይ፣ ቀር አፍሪቀ ወእዲነ ናይ ሕብር እህትማም ዲብ ለቡ ናይ እቅትሳድ፣ ስያሱት፣ ዲብሎማሰየት ወአምን ለከሰሰ ቅደይ ወተጠውራቱ እብ ርኢሱ ህድግው።

እብ አሳሳ እሊ ወዘር ዑሰማን ሳልሕ ወወዘር በድር ዑብዱልግሳስ

እተ ምዕል ልሀ ዲብ ለወደደ ጀልሱት ዲብ ተውዴሕ አሸቃል ወፊዳልያት ናይላ ርኢስ ኢሳይያስ ወርኢስ አሲሲ ለህድግው ወለአተፈቀው እቱ አርእስ ክም ህድግው፣ ናይ ሕብር ሽሬሕ ሰሕፊ ህበው። ተእሪካይት ወናይ ሕውነት ዕላቃት ኤሪትሮፕ ወመስር፣ ክምሰልሁም ርኢስ ኢሳይያስ አፍወርቂ ወርኢስ ዑብዱልግሳስ አሲሲ ለወደደ ህድግ ረሓብ እንዲ ሸርሐው፣ ዲብ መጽላት ተዕዲን፣ ብንዮት ትሕትየት፣ መዋሰላት በሐር አጸባባይ ወጠወርት ሚናት እብ ፍንቱይ ህይ ዑሰብ፣ ባጼዕ ወማርሰ ፋጥመ፣ እስትሰማር ደው፣ ብንዮት አብያት ሰከን፣ ክምሰልሁም እግል ክልኢቱ ድወል እብ ምድር፣ በሐር ወከጥ ባቡር ምድር እግል አትጸባብ ዲብ ውፋቅ ክም ትበጽሐ ሸርሐው። ወዘር በድር ዑብዱልግሳስ እንዲ አትለ ታምም ተእደድ መስር እግል ስያደት፣ ሰላም ወመስኩብት ኤሪትሮፕ አከደ።


ዲብ አምን በሐር ቀየሕ ወቅደይ መንጠቀት ክልኢቶም ውዘራእ፣ ስያደት ሕዱድ ድወል ለልሐሽም መባድእ ቃትን እዲነ

መንጠቀት ወእዲነ መራሕል ለልህሌ መቅሬሕ ህይ፣ እብ ለትወቀለት ክም ለአተላሌ አከደው።

ወዘር ሕስር ካርጅየት መስል በድር ዑብዱልግሳስ እብ ሰበትለ እግል ወሳኔ እዕላም ኤሪትሮፕ ለህበዩ ሸሬሕ፣ ዕላቃት ኤሪትሮፕ ወመስር ዲብ ሐዲስ ወናይ መትሳዳይ ወሸራኩት መርሐለት እትየተ ዲብ ናይ መንጠቀት ወግወውር አምን ወመስኩብት ለባቱ ዶር እብ ቀላል ክም ኢልትርኤ ሸርሐ።

እትለ ዝያረት ርኢስ ኢሳይያስ ወምሰሉ ለጌሰ ልኡክ፣ መፍርየት ወመአሰሳት ሃይበት ሎጂስቲካይ ከደማት በጽሐው። ዲብ የም 9 ጁን ዲብ መዲነት አልቃህሪ ዲብ መሳፈት 150 ኪሎ ምትር እተ ለህለ መአሰሳት ለጉብኣት ዝያረት፣ መአሰሳት አፍሪየት አድውየት “ጂፕቶ ፋርመ”፣ ናይ እቅትሳድ መንጠቀት ከናል ሰዌዝ፣ መሳኔዕ ሐጺን፣ አስመንቲ ወግዝዜ፣ አሳሰይይ መሳኔዕ መስር፣ ክምሰልሁም አምን ለሸቀየ ሚነት ዔን-አ’ሱኽነ ለሸምል ዐለ።

እት ሰነት 2021 ለትደሐረት



ናይ እቅትሳድ መንጠቀት፣ ናይ ካርጅ እስትሰማር እንዲ ጀዝበት፣ ዲብ ከርሰ ናይ ልባስ እስትሰማር፣ ሸቅየት አላት ጣቀት ጸሓይ፣ ሙምተላካት ነዳፊት፣ እግል ብነ ውብዕድ ለጉብኣ ሐጺን፣ አስመንት ወግዝዜ፣ አፍሪየት ሸፍር በሰር፣ እዳሪት ሚናት ወክድመት ብንዮት ትሕትየት ሚናት፣ ክምሰልሁም ዲብ ከደማት ሎጂስቲካ ለከድመ ዝያድ 500 መአሰሳት ልትሐረክ ህለዩ። እብ ፍንቱይ ዲብ እለ ሰነት ጎነ ሸቅለ ለአንበተት 116 ሚልዮን ዶላር እስትሰማር ለጉብኣ እተ እብ ቴክኖሎጂ ርዖት ለትሰዲት መአሰሳት አፍሪየት አላት መጽል ጣቀት ጸሓይ፣ ዲብ አፍሪቀ ወመንጠቀት ምግባይ ምፍጋር ጸሓይ እብ ጅንሰ ወዐቦተ ናይ ሰልፍተ። ዲብ አርሐቦት መትነፊዕ ጣቀት ጸሓይ ወወሰኩት በዲል ዔማት ጣቀት ህይ ዐቢ ዶር እግል ቲዴ ልትሰኢ ምይ።

ለህሌት ሐዳስ ዘበናይት መዲነት፣ ዲብ 700 ኪሎ ምትር መረበዕ ርኢብ ለቁመት ተ። እለ ሐድ 80 ምእታይት ምን አወላይ ወጅህ ናይ ብናህ ታምም ለህለ ዘበናይት መዲነት፣ እግል ውዛራት ውብዕድ መአሰሳት ሕኩመት ለከድም መባኔ፣ ናይ ቱራሰ ወፊን ወራታት ለጉብኣ እቱ ዘበናይ ቃግት፣ መአሰሳት ከደማት እጅጉምሰየት፣ መዓብድ፣ ሆቴላት ወአብያት ሰከን እብ ንሰቅት ብንዮት-ትሕትየት ለትሸምል ተ።

እተ ዝያረት ለሐድረው ሰብ መዝ ሕኩመት መመቅረሐት ሸቅል ናይላ መአሰሳት፣ እብ ክሱሰ አህዳፊን፣ ፍእየት ወአህመየት እቅትሳድ፣ ዕንዱቃሙ ለህለው ቴክኖሎጂ፣ ናዕየት ወቅያሰ እተየም ለከሰሰ እብ ሸክል ወሰወር መትሐርካይ ሸሬሕ ፋዬሕ ክም ህበው፣ ምስል ኤሪትሮፕ እግል መትግግን እብ ሸራኩት እግል ልሸቀው፣ ክምሰልሁም ዲብ ጠወርት መቅደረት አምን ወአትሐላላፍ አምር ቴክኖሎጂ ዶር እግል ሊደው ዱልያም ክም ህለው አፍህመው።

ርኢስ ኢሳይያስ እብ ጀሁቱ፣ እብ ሰበት ለትሸቀ ወዲብ ሸቅል ለህለ መአሰሳት፣ አብያት-ሰከን፣ ክምሰልሁም እግል ልግበእ እብ ሰበትለ ቀድር መትሳዳይ አፍካፍ ህበ።

እብሊ ህይ፣ ርኢስ ኢሳይያስ አፍወርቂ ወምሰሉ ጋይስ ለዐለ ወፍድ፣ ምን የም 7 ጁን ዲብ መስር ወድወ ለአሰማው ዝያረት-ረሰምየት እንዲ አትመመው፣ ዲብ የም 11 ጁን ዲብ ሳይታት ቀደም አዝህር ዐደም አቅበለው።



እብ ረሰሚ ኩባቤ እግል ልርኩብ ክም ወጅብ እት ሸርሐ፣ ዔጸት ወጠን ላተን መአሰሳት እግል አደቃብ እግል ልትከደም ምህም ክምቱ አትፋቀደው። ፍንጌ ሰብ ሰልጠት ኤሪትሮፕ ወመስር ዲብ አሰመረ ወአልቃህሪ ለጉብኣ ጀልሳት፣ ክምሰልሁም ዲብ ናይ

እብ ሕኩመት ለትትመለክ መአሰሳት ሰናዕት-አድውየት “ጂፕቶ ፋርመ”፣ ዲብ 180 ምትር መረበዕ ለትብኔት አሰክ 5 አልፍ አብካት ሸቅል ለትህይብ እትገብእ፣ ዲብ መንጠቀት ምግባይ ምፍጋር ጸሓይ ወአፍሪቀ ምነ ህለዩ ለዐቤት መአሰሳት አድውየት ሐቴተ። ህደፊ ህይ፣ ናይ ቀበት ዐድ ጠለብ እብ ሸክል ከኒን ወፊይ ለልዳሌ ደወ ወአሰክ ተሰዲር ለአመመ ጅንሰ አድውየት እግል ወቀሎት ተ።

እቅትሳድያይት መንጠቀት ከናል ሰዌዝ፣ ብዕደት ርኢስ ኢሳይያስ ለበጽሐየ እግል ናይ መንጠቀት መትጸባብ ወአታማም አህምየት ዐባይ ለበ መንጠቀት ተ። እለ ሐድ 200 ሚልዮን ምትር መረበዕ ለትክምክም፣ ክምሰልሁም ሰበ ሚነት፣ ሰለሰ ዲብ በሐር ቀየሕ ወሰለሰ ዲብ በሐር መግባይት ለትመሬሕ



4ይ ክፋል

ለናይ ደንጎብ መዓርክ ተሕራር

አግቡይ ጸቢጥ ድሬዕ ዲቭ ሸዕቢ ዲብ እለ መርሐላት እለ፡ ዲቭ ሸዕቢ እብ መቅደረት አዳም ወሰለሕ ምን ቀደሙ ለዐለ መራሕል ሸቡህ ለሐሰ ወለደቀበ ሰቡት ዐለ፡ ተክቂት እት ደረጃት ኮራት ውቁል ዐለ። እብሊ አሳብ እለ ዲብ ጀብህት ደቀምሐሬ ሻፍፍ ለዐለ ክልኦት ኮር፡ እግል ክፈል-ዲቭ 52 ወ96፡ ለከወነ ኮር 381፡ እግል ክፈል-ዲቭ 70 ወ16 ለከወነ ኮር 491 ዐለ። ምን ኮር 271 ህይ ክፈል-ዲቭ 85 ምን ጀብህት ግንደዕ እንዴ ትሰሐበ ቀዳማይላ ሐርብ ዲብ ጀብህት ደቀምሐሬ ሐብብር ዐለ። እብ ዓመት ዲብ እለ ጀብህት እለ ለዐለ ውሕዳት ጀብህት ሸዕቡዮት፡ አርበዕ ክፈል-ዲቭ እትገብእ፡ ክልኤ መከናይዘድ ብርጌድ በህለት ብርጌድ 73 ወብርጌድ 34 ናይ መከናይዘድ ክፈል-ዲቭ 74፡ ዲብላ ጀብህት እብ ግዲደ ሻፋት ዐለዮ። እምበል እለ፡ ምን ክፈል ዲቭ 16 ወ85 ሐትሐቲ ቦጦሎኒ ዲብ ጀብህት ዐሰብ ገይሰ እት ህለዮ፡ ምን ብርጌድ 49 ናይ ክፈል ዲቭ 96 ክልኤ ቦጦሎኒ ምስል ክፈል-ዲቭ 52 ሹርዐባት ዐለዮ። እብ መቅደረት ሰለሕ ዲቭ ሸዕቢ ርኤነ ምንገብእ ህይ 12 ናይ 130 መዳፊዕ፡ ክምስልሁም 40 ናይ 122 መዳፊዕ ቢኤም 21 ክምስልሁም 45 ለገብእ ደባባብ፡ እብ ብዘሐ ሞርታራት፡ ረሻሻት ወምዳድ ደባብ ወሞዶራት ሰዋሪክ ውብዕድ አሰለሐት ፍፋር ዐለ።

ስታት ህጃም

ስታት ናይላ ህጃም እብ መጅብለ እተ ጀብህት ሻፍፍ ለዐለ ውሕዳት ክእነ መሰል። ክፈል ዲቭ 52 ምን ሰሰብ አሰክ ደዋይሕ ሕረት እንዴ ሃጀመዮ እብ ጀህት ድማን አሰክ ሰፈር አጣል ወመጸሎ እግል ልብጸሕ፡ ክፈል ዲቭ 85፡ ምን ደዋይሕ ሕረት አሰክ ዐዲሃርም ለህለ አካናት አባይ እግል ትጽቡዮ፡ እግል ምህም አድብር ዐዲሃርም ወድሞራቱ እንዴ አንጌት ዲብ ጋድሞታት ሐመሰ እግል ትሸቡቡ። ክፈል-ዲቭ 16 ምን ድሞራት ዐዲሃርም ምስል ክፈል ዲቭ 85 እንዴ አሰረ እግል አድብር እራር ወጉረዕ እንዴ ጸብጠ ዐዲ-ጎልጎል እግል ልጽቡዮ። ክፈል-ዲቭ 70 ምን ጉረዕ እንክር ድገላብ ባካት ውጡሕ፡ ትኩል ወጸጎር እንዴ ጸብጠ ገጽ ቀደም እግል ለአተላላ።

እብ ጀህት ድማን ህይ ዲብ ጀብህት ዐዲ-ርሶ ለዐለ ውሕዳት፡ እት ቀደመን ለጸንሐ ዲቭ አባይ እንዴ ነሐዮ ባካት ደቀምሐሬ እንዴ በጽሐዮ እቲ እግል ልሸፈ። ደቀምሐሬ ክምስል ተሐረረት ህይ እብ ጀህት ምፍጋር ጸሓይ ምስሉ እንዴ ለዋኦዮ አሰክ ረወራት አውልዕ-ጸፋ እግል ልሂር ለልብል ዐለ።

አወላይ ገጽ ናይላ ህጃም ክልኤ መራሕል ዐለ እቲ። አወላይት መርሐላት፡ እግል ክፈል ዲቭ 16 ወ85 ክምስልሁም 52 እብ ሕበር ለከሰሰ አግደ ወቀይ እት ገብእ፡ ዲብ ባካት ሰሰቡ፡ አፈልቡ፡ ሕረት ዐዲሃርም እራር ወጉረዕ እግል ህለ ምህም አካናት እግል ልጽቡዮ። ካልኦይት መርሐላት እግል ክፈል-ዲቭ 70 ሌጠ ለከሰሰ እት ገብእ፡ መሃሙ አወላይት መርሐላት ክምስል ተመት፡ ምን ጉረዕ እንክር ድገላብ ለህለ አካናት እብ ፍንቲይ ባካት ውጡሕ እንዴ ሃጀመ እግል ጸጋር እግል ልጽቡዮ ለልብል ዐለ።

ቴለል ሐርብ

እብሊ ለተህደገ ግም ስታት፡ ህጃም ጀብህት ደቀምሐሬ፡ ሰንበት 19 ማዮ 1991 ሳዕት 10 አዳሕዮት አምበተ። ክፈል ዲቭ 52 እብ አሳሰለ ተህደቡዮ በርናምጅ፡ እግል ሰሰብ አጥራፍ ሰፈር-አጣል ወአፈልበ ጸብጠ። ዲብ ከዋ ህጃም ናይላ ክፈል-ዲቭ ዲብላ ተሐደደት አካን፡ በህለት ዲብ ናይ ሐቲ ቦጦሎኒ አካን፡ አባይ እብ ደቅብ ሰበት አውተደ እብ ጀህት ድማን ወድገላብ እንዴ ተሐላፊ ግሪ ክምስል ልትቡተክ ገብእ።

ክፈል-ዲቭ 85 ለተህደቡዮ አካናት ድገላብ ምን ጸርግዮ አፈልቡ፡ አሰክ ባካት ሕረት፡ ለዐለ ጭፊተ፡ አውቶቡሰ፡ እንደ-ሐሰር፡ ለልትበህል ባካት እት ገብእ፡ ዲብላ ሳልፋይት ምዕል ጸብጠዮ። ምናተ አወላይ ከዋ መዳፊዕት አባይ እግል ሰበር ለገብእ ሐርብ ቀለል ይዐለ። አባይ ሐለት ዲብ ወሰክ እብ ደቅብ ልትሓረብ ሰበት ዐለ። ለሐርብ መሪር ዐለ። ዲብ እለ አምዕል እለ፡ አባይ እግል ክምስል እሰግፍ ናይላ ጀብህት ካሪህም ለዐለ ዲብ ባካት ደቀምሐሬ ለዐለ ተራሪ ክፍሉ-ጦር 18 ዲብ ባካት አፈልበ ወሰክዮ። እለ ክፈሉ-ጦር እለ ምን ሳዕት 14:30 እንዴ አምበተ ዲብ ደዋይሕ አፈልበ ዲብ ድቁብ ናይ መዳፊዕት ህጃም ምዳድ ትጸመደ።

አምሱይ ምን ሳዕት 18:00 አሰክ ሳዕት 20:00 ውሕዳት ዲቭ ሸዕቢ ለሀረሲያሁ ህጃምም ምንገብእ እንዴ አውተደ እት ልትሓረብ ከሸ አበለዮ። ምን ሐዲስ ሳዕት 22:40 ዲብ ባካት እራር ለገብእ ህጃምም እብ ክለ ሐለቲ ክርዐዮ።

ዲብ እለ አወላይት አምዕል፡ ክፈል-ዲቭ 16፡ ሐምሰ ቦጦሎኒ ሂጅመት፡ ሰለሰ ቦጦሎኒ ሴድዮት እንዴ ትዩመመዮ ህጃም ሀረሰ። ሐቆ ሰዶታት ለነሰእ ሐርብ ህይ፡ እብ ጋድሞታት ጉረዕ እንዴ አተው ሳዕት 22:40 አምሱይ ጉረዕ ጸብጠው። ምን ጉረዕ እንክር ቅብለት ምፍጋር ጸሓይ ዲብላ ህሌት ስንክለት እራር ላኪን ሐርብ ልሰዕ ልተላላ ዐለ።

መዓል 20 ማዮ

ፈጅራተ ዲብላ ገብእ ሐርብ፡ እብ አሳሰለ አሰልፍ ፋግር ለዐለ ስታት ህጃም፡ ውሕዳት ክፈል-ዲቭ 70 አካናተን ጸብጠት ሰበት ጸንሐዮ፡ ቀዳማይ ድሬዕ አባይ እንዴ አፍረሰዮ ምውዳቅ ጸሓይ ምን ትኩል እግል ህለ፡ አባይ ራድኢት እግል ለአምጽእ እቲ ለቀድር ምህም አካናት ባካት ኮርባርዮ እንዴ ጸብጠዮ ትመዮዮ።

ክፈል-ዲቭ 16 ምን ምዮይ እቲ ለዐለ ጉረዕ እንዴ ትብገሰ፡ እንክር



ለጸብሐት ላለ፡ ለእብ ውሕዳት ዲቭ ሸዕቢ ለትጸበጠ ምህም አካናት እግል ልብለሰ ተራሪ ክፈል-ጦር 18 ወ19 ክምስልሁም መከናይዘድ ብርጌዳት ውብዕድ ውሕዳት እንዴ አትብገሰ፡ እብላፈትፈናተ አካናት እብ ፍንቲይ ህይ እብ ጀህት አፈልበ ወእራር ድቁብ ህጃም ምዳድ እት ለአተላላ ትመዮ። ምናተ ለአምጽዮ ተቅዩር ኢዐለ።

እለ ሐርብ እለ ዲብ ልተላላ፡ ዲቭ ሸዕቢ፡ ዲብላ አምዕል ለህ እብ መዳፊዕ 130 ሚሊሜተር እግል መከረዮ ሞዶራት አሰመረ ደገድግ ወድዮ ወዐለ።

መዓል 21 ማዮ

ዲብ እለ አምዕል እለ፡ ህጃም ሳዕት 5:00 እሰቡሕ አምበተ። ክፈል-ዲቭ 52 ሐቆ ናይ ሕዳድ ሰዶታት



ድገላብ እንዴ ተሐረከ፡ ሳዕት 11:00 እንዳ-አሜሪካ ጸብጠ። ሄረሩ እንዴ አተላለ ሰር አምዕል አሰክ ዐዲ-ጎልጎል ትጸገዐ። እብ አሳሰለ ፈግሪ ስታት ሳዕት 17:00 ጸጋር እግል ልብተክ፡ ምን ዐዲ-ጎልጎል አሰክ አምሁር ለነሰእ ጋድም እግል ልብተክ ቅብለት ምን ትኩል ዲብላ ህለ ትብብ ክምስል በጽሐ፡ አባይ እግል ክሰትት አካን እንዴ አንተህዘ። እብ ደባባት ወመዳፊዕ እንዴ ተ'ለ እግል ከርስ ለአቲት ሐቲ ቦጦሎኒ ክፈል-ዲቭ 16 እግል ልዘበዋ አምበተ። ፍገራት እኪት ህይ ሰበቡ። ውሕዳት ክፈል-ዲቭ 16 እብ ጀህት ድማን ለዐለዮ ብዕዳት ውሕዳት ልሰዕ ምስዳር እንዴ ኢነሰኢ፡ እበይነን አሰክ ዐዲ-ጎልጎል ኢተት ፍገራቱ ኢፋሉታይ ዐለ። አባይ እብ ብዕድ ድሞራት ጨቅዋ ሰበት ኢዐለ እቲ እግል አቲት ቅወት እንዴ ከርደነ ከሳር ዐባይ እግል ለአጅሬ ቀድረ። እንዴ ጸንሐ ህይ እብ ድማን ወድገላብ ለዐለዮ ውሕዳት ዲቭ ሸዕቢ ምስዳር ክምስል ነሰኢዮቲ ህይ ክፈል-ዲቭ 16 ዲብ ሀደፋ እግል ልብጸሕ ለቀድረ።

አባይ፡ ዲብ እለ አምዕል እለ

መሪር ሐርብ እግል ደቀምሐሬ ሳዕት 11:30 እንዴ ጸብጠት ሄራሪ አሰክ ደቁ-ናዞ አተላላ። ለእብ ቀይሕ-ኮር ወኩርብብኢ ለዐለ ውሕዳት ላኪን፡ እግል ተህደቡዮ ዳይ መብዘሐ ሰርጉሉ ምንመ ዐለ፡ እብ ፍንቲይ እሰትራጃዮይት አካን መትቀቃል ንቅጠት 1904 ላኪን እንዴ ኢጸብጠ ትመዮ።

ክፈል-ዲቭ 85 እብ ጀህቲ፡ ሳዕት 5:30 ህጃሙ እንዴ አተላለ እብ ድገላባይ እንክር ለጠለቀ እቲ ህጃም ምዳድ አባይ አፍሸለ። ገሌ ውሕዳት ናይላ ክፈል-ዲቭ ምስል ውሕዳት ክፈል-ዲቭ 52 ኣንዴ ገብአዮ፡ ገሌ ክፋል ደቀምሐሬ ክምስል ጸብጠዮ፡ አባይ እብ ጀህት አምሁር ምን ዐለ ደባባቲ፡ እንክር ድማን እንዴ ሐረከ፡ ለቀዳሚት አምዕል እት ረኢሰ ቦጦሎኒ ክፈል-ዲቭ 16 ለአጅረዮ ህጃም እብላ ሸቡህ አግቡይ እግል ውሕዳት ክፈል-ዲቭ 85 እግል ልጨፍልቅ ህንዲዶ ቤለ። እትጀህ ሐረከቲ ምን ቃብል ክምስል ትረኢት ህይ ምን ምስል ክፈል-ዲቭ 52 ለዐለዮ ደባባት ድድ-ደባብ እብ ሸፋግ


አሰክለ ብርጌድ እንዴ ገብአዮ ከሚን እንዴ አዳለዮ ክምስል ልታክዮ ገብአ። እብሊ ህይ፡ ለህንዲዶ እት ልብል ለመጽእ ውሕዳት ደባብ አባይ፡ ዲብ ሐቲ ደቁቀት 4 ደባባት ነደዮ ምን። እብሊ ለበሀረሪ አባይ እግል ተርፈዮ ደባባቲ ገጽ ግሪ እንዴ በልሰ አሰክ አምሁር እግል ልትዕዴ ትቀሰቡ። ሐቆ እለ ውሕዳት ክፈል-ዲቭ 85 ምስል ክፈል ዲቭ 52 እንዴ ጸብጠዮ፡ ደቀምሐሬ እንዴ ሐልፊዮ አሰክ ትብብ አውልዕ-ጸፋ ወደቁ-ናዞ እንዴ ፈግሪዮ ትመዮዮ።

ዲብ ጽብሕ ምድር ናይላ አምዕል ለህ ውሕዳት ክፈል-ዲቭ 16 ለህጃም እብ አካናት ሰበት ኢጠዕመዮን ምስል እብ ድማን ለዐለ ዲቭ ሸዕቢ እግል ለአሳድረ ኢቀድረዮ። አባይ ካርዐን ወዐለ። እብ ጀህት ድማን ለህጃም ውሕዳት ደቀምሐሬ ክምስል አተዮ ላኪን፡ ውሕዳት ክፈል-ዲቭ 16 ቀደመን ለዐለ ዲቭ አባይ እንዴ ገሸዮ እምበል መታክል እግል ጸጋር ወአምሁር እግል ልጽቡዮ ቀድረዮ። ሐቆ እለ እብ ሸፋግ ገጽ ቀደም እንዴ ትወረወረዮ ምን ባካት አውልዕ-ጸፋ እንክር አድግነ ለህለ ብራር እንዴ ጸብጠዮ ትመዮዮ።

ዲብ እለ አምዕል እለ ክፈል-ዲቭ 70 ምን ትመዮ እቲ ባካት ኮርባርዮ እንዴ ተብገሰ፡ እግል ኮርባርዮ እንዴ ሐልፊ እግል ከዋ ደቀምሐሬ ተረእምኒ እንዴ በትክ እግል ጸጋር እንክር ድማን እንዴ አትለ እግል ዐራቶ ወደንገል ለለአትጸብዋ መዋቅል እንዴ ጸብጠ እብ ጀህት ድማን ምስል ክፈል-ዲቭ 16 ትጸብጠ። እብ ጀህት ድገላባይት ጀብህት እለ ህጃም እለ ለአተላላ ዲብ ህለ፡ ለዲብ ደቀምሐሬ ወትኩል ሻፍፍ ለዐለ እግል ጀብህት እንዴ ሐንቀ ሸት እብላ ለጸንሐ ናይ አባይ 16ይ ሰንዋቅ መከናይዘድ ብርጌድ ወ29ይ 5ይ ወ3ይ መከናይዘድ ብርጌዳት ገበይ እግል ኢትደበእ ምናም እንዴ ትባደረው እብ ኮርባርዮ እንዴ አበለው አሰክ ተረእምኒ ገጸም ገልበው።

ሐቆ እለ፡ 21 ማዮ 1991፡ ዲብ ጀብህት ደቀምሐሬ ሐርብ እብ ክእነ ልተላላ እት ህለ፡ ሚርሓይ ደርግ ኮሎኔል መንግስቲ፡ ህይሌግርዮም፡ ምን ደውለት ክምስል ሀርቡ፡ በደላሁ ህይ ናይብ ርኢሰ ለዐለ ሌተናል ጀነራል ተሰፋዬ ገብረኪዳን እግል ዶሎ ሰልጠት ክምስል ጸብጠ እብ ዴማት አክባር አቶብዮ ተአወጀ።

ዴማት፡ ክታብ ካቲሙ





ንኡሽ ወመክሰባይ ዳርቀ (ንመዳ) እብ ተማመት

ውዛረት ሐርሰ፡ “ደማን ወቅዘ ለበ ሙኅት፡ እግል ክሉ ወእት ክሉ” እብ ልብል ስታት፡ ምን ሰነት 2024 ኣስክ 2028 ለልትመደድ ስትራተጅያይ ስታት እንዴ ኣዳሌት እት ፍዕል ተርጅሙ ህሌት።

ደማን ለቡ- መንገድ ኣዳም ወአዋራፍ እት ሕሳብ ለኣቲት፡ እብ ኣግቡይ ጠቢዕየት ለፊሬት (ምን መትኅፊዕ ሸፍር ሰናዕት ወአሰማም ባልዲን ለገንት)፡ ምን ሕማማት ወባልዲን ሕር ነብረ፡ ክምሰልሁ ደማንት ለቡ ኣግቡይ ሕፍዘት፡ ኣትጋዓዝ ወከዘፍት ወብለዕ ፈርያት ሐርሰ፡

ቅዘእ ለበ ሙኅት እብ በርከተ ወጅንሰ ካፊ ወብቆዕ ጸበዋ (ፕሮቴን፡ ካርቦሃይድሬት፡ ቪታሚን፡ መዳድን ወብዕድ) እት ሕሳብ ለኣተ ኣግቡይ ዐማር ብቅል ወመትኅፍያቱ እት ኣምዕላይት ነብረ

እግል ክሉ፡ እት ክሉ ዓማር እግል ህለው ኤረትርፍን መዋዋሊን እት ክሉ፡ እት ምግድ ኤረትርፍ እብ ተማሙ በሀለት እት ክል ለልትሐረሰ ወለኢልትሐረሰ ኣዋራፍ ዳለትኅ ወክል።

መብደእ፡ “ደማን ወቅዘእ ለበ ሙኅት፡ እግል ክሉ ወእት ክሉ!” እብ ለትፈናተ በዳሪታት በሀለት እብ ፈዳብያም ሐረሰቶት፡ እት ደገቢትም እብ ለትመሳኒት ዐማር ብቅል፡ እብ ንኡሽ ለትመሳኒ ናይ ዓይላት በርናምጅ ሐርሰ፡ እብ ነኣይሽ ወምግባይ ወራታት ሓሩስ ተጃረት፡ ክምሰልሁ እብ ስትራተጅያት ‘ንኡሽ ወመክሰባይ ዳርቀ’ እብ ተማመት እት ፍዕል እግል ልውዕል ቱ ስቲት ለህለ።

ሀደፍ ስትራተጅያት ‘ንኡሽ ወመክሰባይ ዳርቀ ሐርሰ’ እብ ተማመት

ኣግደ ሀደፍ ናይ እለ ስትራተጅያት እሉ፡ እብ ዓመት ዲብ ኩለ ወጠን፡ እት ምጽምእ ወሽብህ ምጽምእ ኣራዲ እብ ዝላም ለዘርእ ወእብ መንበረት ሐርሰ እዳ ዲብ ኣፍ ለልትናበረ ጸዎታት፡ ምን ዳርቃታት ንኡሽ፡ ደማን ወቅዘእ ለበ ሙኅት እግል ልርከቡ ዝያደት ምን ከሰበ ህይ እግል ለኣዝብያ ቱ።

ጸበዋ ንኡሽ ወመክሰባይ ዳርቀ ሐርሰ እብ ተማመት፡

እት ክሉ ለኣብ ዝላም ለልትዘረእ ኣምዳር ዳለትኅ እብ ዓመት፡ እት ሽብህ ምጽምእ ምድር ለትብረ እብ ሐርሰ ምን እዳ እት ኣፍ ለልትናበረ ዓይላት ህይ እብ ፍንቲይ፡ ምን ህለ እለን ምድር ሐርሰ፡ ናይ 1000 ምትር መረበዕ ዳርቀ እንዴ ፈንተዮ፡ ብርከት እትይ እክል ወሐምሌ እግል ለኣፍርየ እንዴ ረከዘ ሸፍ።

እት ሐቲ ኣካነት 1000 ምትር መረበዕ ለትገብእ ገርህት ገጽ ሕድ ለኣለቦም ሐረሰቶት ህይ፡ ሰር ናይላ ዳርቀ በሀለት 500 ምትር መረበዕ ኣውመ ርብዑ (250) ምትር መረበዕ ገርህት እንዴ ኣዳለው፡ መክሰባይ ኣዝረኣት ወሐምሌ እግል ልዝረኣ ቀድሮ።

እት ሐቲ ገጽ ሕድ ለህሌት ኣካን ልግበእ ወዲብ በንበን ኣካናት፡ ለዝያደት 1000 ምትር መረበዕ ዳርቀ እግል ለኣግምሎ ለቀድሮ ሐረሰቶት ህይ፡ ክልኣት፡ ሰለሰ ወኣርበዕ ዳርቀ እት ልብሎ እግል ለኣግምሎ ቀድሮ። ኩሎም ዲብ በርናምጅ ንኡሽ መክሰባይ ዳርቀ ለፕርኮ ሐረሰቶት፡ እት ረኣሰለ እት ዳርቀ ለወደወ ዐማር ሐርሰ፡ እት

ተማመት ለልትብለዕ ነበሪት ናይላ ባካት እት ሕሳብ እንዴ ኣተ፡ ምሰለ ድዋራት ለዋፍቅ እክል ልትዘረእ። እትሊ ምውሰም እሉ፡ ዝላም ተኣከረት ምን ገብእ፡ ሐረሰቶት ሸትል ቃንጨ ለቡ ኣዝረኣት ክም ዕፋን፡ ማሽሉ፡ ብልቲብ ወለመሰሉ እብቁላም እንዴ ጸንሐው፡ ዝላም ክም መጽኣት እት ዳርቀ ለወደው። እብሊ ህይ ኩሎም ሐረሰቶት ናይ እሊ ባካት፡ ምን ዮም 21 ጁን እንዴ ኣንበተው፡ ሳምን ዘርእ ነዝዮ። እትላ ደርበት፡ ወራታት ዐማር ሐምሌ እት ዳርቀ ሰበት ኢገብእ፡ ዓይላት ብሩር ሐምሌ ከደን እት መሰለሐተን እግል ለኣውዕሉ፡ ወሐቆ ቀድረየ ህይ እት ሱግመ እግል ለኣዝብየ በዳሪት

ተማመት ለልትብለዕ ነበሪት ናይላ ባካት እት ሕሳብ እንዴ ኣተ፡ ምሰለ ድዋራት ለዋፍቅ እክል ልትዘረእ። እትሊ ምውሰም እሉ፡ ዝላም ተኣከረት ምን ገብእ፡ ሐረሰቶት ሸትል ቃንጨ ለቡ ኣዝረኣት ክም ዕፋን፡ ማሽሉ፡ ብልቲብ ወለመሰሉ እብቁላም እንዴ ጸንሐው፡ ዝላም ክም መጽኣት እት ዳርቀ ለወደው። እብሊ ህይ ኩሎም ሐረሰቶት ናይ እሊ ባካት፡ ምን ዮም 21 ጁን እንዴ ኣንበተው፡ ሳምን ዘርእ ነዝዮ። እትላ ደርበት፡ ወራታት ዐማር ሐምሌ እት ዳርቀ ሰበት ኢገብእ፡ ዓይላት ብሩር ሐምሌ ከደን እት መሰለሐተን እግል ለኣውዕሉ፡ ወሐቆ ቀድረየ ህይ እት ሱግመ እግል ለኣዝብየ በዳሪት

ጅንሰ ወቅያሰ ሸፍር፡ ለትፈንተ ናይ 1000 ምትር መረበዕ ዳርቀ፡ እብ ሸፍር ጠቢዕት ኣው ኮምፖስት እግል ልትሸፈር ቡ። እግል እሊ ዳርቀ፡ እብ ወግም ምግባይ 5 ኩንታል ሸፍር ጠቢዕት ኣው ኮምፖስት ለኣትሐዘዮ። እሊ ብዘሕ ምንመ መሰል፡ እግል ዳርቀ እግል መደት ሰለሰ ሰነት ለከፊ ወለለኣሸቄ ክምቱ ኣመሮት ለኣትሐዘዮ። ናይ ዓሰ ልግበእ ወሀረዋ በሐር ሸፍር ፊሻይመ እብ ምክር ሰብ መቅደረት መትኅፍያቱ ሴድያይ ቱ።

ጅንሰ ዘርእ ወዝርኣቱ

እት 1000 ምትር መረበዕ ለንትኅፊዕ እቡ ጅንሰ ዘርእ፡ ሀደፍ ክመ ልትሐዘ እግል ልብጸሕ ሐቆመ ገኡ፡ ሐረሰቶት ላዝም ዘርእ ሕሩይ እግል ልትኅፍያ ስም። ኣግቡይ ዝርኣቱ እብ ከሰበ ህይ እብ ፍንቲይ ሸንጋይ ወዕፋን እብ ሴር ልትዘረእ፡ እት ሸንጋይ ህይ፡ እት ፍንጌ ክልኣት ግን እብ 30 ሰ.ምትር ኣትራያም ልትዘረእ። ዕፋን፡ ህይ እብ ናይ 75 ሰንቲምትር ሪም ወፍንጌ ክልኡ ለሸትለት ህይ ናይ 25 ሰንቲምትር ሪም እቡ ልትዘረእ። ለብዕድ ኣዝረኣት ህይ እብ ተጃርብ ሐረሰቶት ልትዘረእ።

ቅያሰ ዘርእ

መሰለን፡ ሸንጋይ እግል 1000 ም.መ./ምትር መረበዕ፡ ምን 5-6 ኪሎ ግራም ዘርእ ወጁብ ለኣትሐዘ። እግል 800 ም.መ ኣርደት ህይ እብ መጅቡ ልትረኡ። ዕፋን እግል 1000 ም.መ፡ ምን 2 - 2.5 ኪሎ ግራም ዘርእ ወጁብ ለኣትሐዘ። እግል 800 ም.መ ዳርቀ ህይ እብ መጅቡ ልትገኡ። ከባካብ ብቅል

እለ ናይ 1000 ምትር መረበዕ ገማል፡ እት ገርህቲት ንኡሽ ትገብእ ሰበት ህሌት፡ ከባካብ ዘርእ (ኣሰተዮት፡ ሀረዋ፡ ገሶ ወብዕድ) እብ ነሐር ኣዳም ገብእ። እብ ፍንቲይ ዲብ ድን ለህለው ቁድረት ሐርሰ እትሊ ዳርቃታት መራቀበት ፍንቲት እግል ሊደው ወጅቡ። ኣግደ ሀደፍ እለ በዳሪት ህይ ሐረሰቶት ወዓይላት ብሩር፡ እግል ዳርቀ ንኡሽ ከረም ምን ህሌት እብ ዝላም፡ ወምን ይህሌት ምን መዳግም እብ መቅጠኛም ወመጽዕኛም ሰበት ለኣሰትዉ ቱ።

እት እንቡተት ከረም መ ምን ገብእ፡ መትኣካር ኣው ሕዳን ዝላም እግል ልሳድፍ ሰበት ቀድር፡ እት ባካቶም ምን ህለ መዳግም ኣው ዝላም ዶል ትዘልም ማይ ካፊ ዲብ ኣግርበት እንዴ ማልኣው፡ እግል ናይ ኣልፍ ምትር መረበዕ ዳርቀ ሰዳይት ኣሰተዮት እግል ሊደው እሉ ወጅቡ።



ተዋብ ደወርህ፡ እትይ መዐር እብ ቀፎ ሰሙይ ኣው ቀፎ ዘበናይ፡ ክምሰልሁ ምን ሀረዋ ወተረርፍላ ዳርቀ ለትብሌዕ ወኣት ሕልብ ኣውመ ሰስ ረኣሰ ምን ኣግል ሕልብ እግል ልተውቦ ክቅዘእ ለበ ሙኅት እት ኣድመኖት ሐዙዮም እግል ለኣግዱ ልትሰኢ ምኖም።

ስትራተጅያት ንመዳ እብ ተማመት፡ ለወራታት ዳርቀ እዳረት ሰኔት ለኣታመመ፡ እብ ሐዱ ምርት ቀፎ ሰሙይ ኣው ዘበናይ ቀፎ ንህብ ለቡ፡ ምን ሐምስ ኣስክ 25 ዲርህ ኣፍያት ለተወበ ዲቡ፡ ክምሰልሁ ወኣት ሐሊብ ኣው ሰስ ጠሊት ሕልብ ለከምክም ገብእ። እትላ ስትራተጅያት ለልትከምከም ሐረቶት፡ እሊ ለሀደግናሁ ተዋብ ወጽበጡ እብ ተማሙ እት መዳ ዶል ኣልኣውዕሎ ሌጣቱ ሰብ ወቀይ እት ንመዳ እብ ተማመት - ‘ንኡሽ መክሰባይ ዳርቀ እብ ተማመት’ ለልትዕለዎ።

ወቅት ፈዳልየት

እለ ስትራተጅያት፡ እት ቀበት ሐምስ ሰነት (2024-2028) እት

‘ንመዳ’ እብ ተማመት ወመኣሰበት ገብእ። እሊ በርናምጅ እት ወክዱ ጀላብ እግል ልትሰርገል፡ ሰብ መቅደረት ወመሰኡሊን ሐርሰ (ምን ደረጃት መካትብ መርከዘ ኣስክ ደረጃት ድን) ምሰለ ህለ መኣሰሳት ሕኩመት ወሰብ ሸርከት ዐማር ምሰል እግል ልሸቀው እቱ ወጅቡ።

ኣግቡይ ፈዳልየት

ለዳርቀ ቀሪም፡ 1000 ምትር መረበዕ ቱ። ዝያደቱ ኣው ምን ወተሐት ገብኣት ምን ገብእ ህይ፡ እብ መጅቡ እንዴ ትረሰመት እት ፍዕል ትውዕል።

ሀ. እት ከባላታት
እሊ ምድር ወጠን፡ ኣቃሊም ምግብ፡ ግብለት፡ ለበዘሐ ክፋል ኣቅሊም ዐንሰቡ ወገሌ ክፋላት ኣቃሊም ቅብለት በሐር ቀየሕ ወምዴርየት ሎጎ-ዐንሰበ ናይ ኣቅሊም ጋሽ-በርከ ሸምል።

እግል ልንሰኣ ምህም ጋር ቱ።

እት ቀላቅል ምውዳቅ ጸሓይ (ኣቅሊም ጋሽ-በርከ ወገሌ ክፋላት ኣቅሊም ዐንሰበ)

እት ቀላቅል ምውዳቅ ጸሓይ ለህለው ሐረሰቶት፡ ክምሰለ ናይ ከበሰ ናይ ኣውላይት ደርበት ወራት እብ ቀይሞ። ምን ወሬሕ ማዮ ኣስክ ጁን እተ ህለ ወቅት፡ ለበዘሐ ምድር ቀላቅል ምውዳቅ ጸሓይ፡ ሐፋነት ለትረኡ ዲቡ ሰበት ቱ። እግል ዐማር ውጡይ ክም ኢትን እሙር ቱ። እብሊ ህይ ክሎም ሐረሰቶት እሊ ምድር፡ ምን ሃለል ጁላይ እንዴ ኣንበተው ኣምዕል ዘርእ እግል ልንዝዎ ወጅቡ።

ውጅህት እዳረት

ወራታት ዳርቀ ገይ ኣዳላይ ምድር፡ ለእግል ዘርእ ለትፈንተ ዳርቀ፡ ክምሰለ ቲላል መካራቱ፡ ሰኔ እግል ልትሐሳሐሰ ኣው ህይ እብ ኣሸረዐት እግል ልትዳሌ ወጅቡ።

እብ ወዛረት ሐርሰ ለልዳሌ ዓመድ ቅዘእ ለበ ሙኅት፡ እግል ክሉ ወእት ክሉ!

ፈተ እሳተ! ወሎተት ኒኢሽ ዋልዳነ እግል ትሰዳ ሐድ ሐላተ እት ትትጸገም ዶል እንረኤ፡ እሴት ሻሂ ኢትፈቱ፡ ሻሂ እንዴ አፍላሐት ከእንዴ ጠምጠሙቱ እግል ብእሰ እት ተወልዶ ረኤክ ምን ገብእ፡ እም ለጠዕመት ሕበዘት እግል ወልደ ተሀይቦ ዶል ትርኤ፡ ምርት መሰሪ መሰሪሁ እግል ኢሊደቅ እብ እዳሁ እት ልትኣላበጡ ዶል ትርኤ፡ ምርት ሐ ሐቱ ዐድ ዔረት ሚ ደዔረት እግል ልድሌ እት ልትሰክል ዶል ትርኤ! እሊ ክሉ አሻይር ፈታ ቱ። ፈተ ምርት ሻብ እዳ ሐቱ ሽንብራብት እንዴ ጨቅመ መጦር ሐድ እት ለአንገሞት ዶል ትርኤ እንዴ ኢገብእ፡ ፈተ ለእተ ተሀሌ ተሀሌ መእየሰ ሌጠ ቱ። ፈተ እሳተ።

እለን ሰልሰለሰ ሕሳብክ ውዳ እለን

• **ሰለሰ ጋራት ሐር ለኢሰቀብሊ...**
ሂጋ - በክት - ወወቅት። ሂጋ ሐቱ ዶል ምን አፍክ ፈግረት ምን ገብእ በጽሐተኩ ከዓቅል ገሌ እግል ሊበል ሐዘ ምን ገብእ፡ እት ሰልፍ እንዴ ኢነቅም ለእለ እግል ሊበል ሳትት ሀለ ምብላሰ እግል ለአትዛውረ ወተማም እንዴ ፈከረ እግል ሊበል ብደቡ፡ እለ ለሰረት ተ ትዕሰ ተርጀመት አለቡ። በክትመ እተ ክምሰልሁቱ፡ እት ሐቱ ጋራት በክት ሰኒ ሰድፊክ ምን ገብእ፡ በክት ሀይ ሐቱ ዶል ሰበት ቱ፡ እተ ዶሉ ኢትነፈሰክ እቡ ምን ገብእ፡ ካልእ ዶል ሰበት ኢትረክቡ፡ ለእሉ ትረክብ በክት እተ ዶልክ እት መንፈዕትክ አውዕሉ፡ ወኢገበእት ምን ገብእ እት ሓራት እምበል ሕሜት ርሕክ ካልእ ከያር አለብክ። ወቅት ሀይ ክም ሰይፍ ሰበት ቱ፡ ኢበደርካሁ ምን ገብእ፡ ሀቱ ዶል በድረኩ በጽሐተኩ ከእምበል ጋር ወሰልሐት ለተሓልፋ ወቅት፡ ወለ ሐቱ ደገገትመ ትግበእ፡ ምን ዕምርክ ለትትከሰም ከሳረት ክምተ እግል ተኣምር ለአትሐይ።

• **ሰለሰ ሰንዕት እግል ትርከቡን አኪደት ለአለቡን**
ሕልም - ዓውቱ - ተጃረት። ሕልም ወአማን በን በኖም ቶም፡ ከዲብ ሕልም ለተንከበት ክለ በላሽ ሰበት ቱ፡ አማን እግል ትታሌ ብእትኩ፡ አማን ሀይ ክድመት ተሓይ፡ እት ዐራት እብ ምንቅራሩ እንዴ ገብእ አሰር ሕልም ለለአምሆሉ፡ እብ ከአሩ ሌጠ ልትመዩ። ዐውቱ ወትጃረትመ እተ ክምሰልሁ፡ ሰብር

ፈተ ሚተ?

ድቁብ ወክድመት ፈዳቢት ለሓዘዎ ወኢገበት ምን ገብእ ሀይ እት ምግሳይክ እት እንተ ለተአትናጥጣ እት ጀነት ሌጠ ትትረከቡ፡ እዲነ ሀይ ፍገራት ክድመት ቱ።

• **ሰለሰ ጋራት አዳም ሕሹም ለወድያክ**

ለኢትትሐለል ክድመት - እክላሰ - አደብ ሰኒ፡ አዳም ሕሹም ለልትባሃል ኖሱ ለለሐሽም ቱ፡ ሕሽመት ኖሰ ሀይ ለእቱ ትትፈረር ጸገም እምበል ሕላሌ ዶል ትከድሙ፡ ምስል መትሻርከትክ ሀይ እክላሰ ወንዮት ሳፍዮት እበ ዶል ትታለዮም፡ ወበዐል አደብ ሰኒ ዶል ትገብእ ትረከቡ፡ ከሕሽመት ሐይክ ምን ገብእ ክም እት እለን አሳሰ ሕሽመት ኖሰ ላተን ጠባዬዕ ተረድ።

• **ሰለሰ እብ ዐውል ለኢልተቡን ጋራት**

ፈተ - ሐሽሞት ነፍሰ - መሳኒት። እለን ሰለሰ እለንመ ማል እንዴ ደፈዕክ ለኢትረክቡን ሰበት ቱን፡ መሳኒትክ ፈታይክ ወእተ ክምሰልሁ ሕሽመት ነፍሰክ እብ ቀሊል እግል ተኣብድዮም ኢወጀቡ፡ እሉም ጋራት እሉም ሰኒ እግል ትዕቀቦም ወእግል ትተረድ እቶም ለአትሐይኩ።

• **ሰለሰ ጋራት እግል ወድ አደሚ ገጽ ሐር ለበልሳሁ**

መግሀፍ - ምክሔ - ወእብ ቀሊል ጋራት ለትገብእ ሐሩቀት። መግሀፍ ምንለ አክያ ጠባዬዕቱ፡ ምን ለአውሕድመ እት እዳክ ለሀሌት ለአጠልቀኩ፡ ምክሔ ሀይ ክል ዶል ምስምሰ ፈሽል ወወዳቅ ቱ፡ ወእብ ቀሊል ለለሐርቅ ሀይ ክለ ለእለ ወዳ እብ ሐሩቀት ወእምበል ሕሳብ ሰበት ወድዮ፡ እለመ ክል ዶል አረይ ከሳር ሰበት ወድዮ፡ ገጽ ሐር እንዴኢኮን ገጽ ቀደም እት ልብል ኢትርእዮ። ከእለ ምን ገብእ ምን እለን ሰለሰ መክሩሃት እግል ንደገባ ብዲብኩ።

ለሐሰ ሀያብ

ለሐሰ እግል ዐደክ ለተሀይቡ ሀያብ ዐፎ ቱ፡ ወእግል መትቤድራይክ መትሐማል፡ ወእግል መሰኒክ ልብኩ፡ ወእግል ጀኔታይክ መሰል ሰኔት ዶል ትገብእ እሉ፡ ወእግል ዋልዳይክ ጣዕት፡ ወእግል ዋልዳይትክ አደብ ሰኒ ክም ትትሐበን እብክ ለወድዮ ዶል ተአርእዮ። ወእግል ርሕክ ሕሽመት ኖሰ፡ ወእግል ክሉ ሀይ ፈተ ቱ። ዲብ እለ እዲነ ሀይ ካምል እግል

ትግበእ ኢትሐሰቡ ከማል ናይ ረቢ አልዓለሚን ሌጠ ቱ፡ እንተ ዐደድ ሐላትክ ለሐሰክ እግል ትግበእ ትጸገም ወሀተ ሌጠ ትከፈኩ።

ዘበድ ዛዖታት

እብ ከር ትዋፈል ወሰሕቅ ውዳ ወዲብ ቀበት መክሩህ እዋናት ዲብ እንተ ርሕክ ለትረዬሐ ዲብ ኢነት ክለቅ፡ እተ ዶል ለሀይ ለዋጅሃክ መታክል እግል ትጋብህ ወገጽ ቀደም እግል ተኣሳድር ለትወዳክ ምን ቅያሰ ወለዐል ለትገብእ ሐላት ወደቅብ እግል ትርከብ ቱ፡ ወእት ደንገብ ሸንሀትክ እንዴ ረከብክ እግል ርሕክ ወብዕዳም ጽልመት ሐራሰ ለትገልጥጥ ሸምዕት እግል ትግበእ ቱ።

አክል ሐድ እግልክ ለዋፍቅ ነፈር ክም የሀለ አምር፡ ምናተ ጀላብክ እንዴ ቤለ ምን ገሌ ጋራት ለልትናዘል ወእንታመ ጀላቡ እንዴ ትቤ ምን ገሌ ጋራት ለትትናዘል እሉ ነፈር ላተ ሀሌ፡ እለ ሀይ ምስል እግል ትግቦኦ ሰበት ትትሸፍሆቱ። ጀላቡ ነፍሰክ ወዓፍዮትክ እግል ተኣትዕብ ለልአስትህል ጋር የሀሌ፡ ለልሀምላክ ሀምሉ፡ ወእህትማም ለለሀይብክ እህትማም ሀቡ፡ ሰላመት ነፍሰክ ሀይ ምን ለዐለ ክሉቱ፡ ግራሁ ለሀቤክ ሀይ ኢትትሃለግ እቱ።

ዲብ ቤት ክርን ዋልዳክ ዶል ትሰሚዕ፡ ለውቀት ትትሰመዐክ ወምን እለ ለተዐቤ ወተሓይሰ ንዕመት ሀይ በታተን ይሀሌት። ትም እትብል እግል ብዕዳም ዐፎ እንዴ ቴልካሆም ሐቆህ ዶል ኢትነቅሞም፡ ራሐት ነፍሰ ትረክቡ። ሰዳይት ነፍሰዮት ለወዳ እግልክ ወክልዶል እህትማም ለልሀይብክ ነፈር ዶል ትረክቡ እለ ነፈር እለ እብ ዐውል ሰበት ኢልተመን ተረድ ዲቡ ወላክት ኢተኣብድዮ። ቂመት ለኢለአምር እግልክ ሀይ፡ ጀላብ ራሐት ዐቅልክ ወሰላመት ገርብክ ወሓፈዙት እት ሕሽመትክ ምን ትትራዮሙ ለሐይሰኩ።

ምነ አባይ እት ታሪክ ዐደነ ምህማት ላተን ዕለታት

- 1975 (12 ኖቨምበር) እት ሚዳን ለዐለት ቅያደት ቅዋት ተሕራር ሸዕብዮት እግል እለ በርናምጅላ ውሕደት ኢትከበተቱ ወእግል ውዳይ ሰቤ ረፍደወ።
- 1975 (ዲሰምበር) አሰክ እለ ወቅት ሱዳን ለአተው ኤራትርዩን ላጂኢን 220,000 በጽሐው።
- 1975 (ማርሰ) ቅዋት ታሕራር ሸዕብዮት ምን ጀብሀት ታሕራር ኤራትርዩ - ቅዋት ታሕራር ሸዕብዮት ክም ትከፈሉት እብ ረሰሚ ዐለነት።
- 1975 (ማዮ) ኢትዮብዩ ሐረሰቶት እንዴ ገፈት ለዐስከረቱ እብ (ደማቸ) ለልትአመር ጄሽ ዲብ ዛለምበሳ ትፈለሉ።

ልባብ

መገርማይ መክፍአይ ኢገብእ



ሐቱ ምዕል፣ ምርት መልክ እግል ክሎም ረሳሚን እንዴ ትላክ ሱረቱ እግል ልርሰሞ እሉ ጠልቦ ምናም፣ ምናተ ለሱረቱ ምን ዕዩቡ ላቶም ጋራት ሐበት ክም ኢትትረኤ እተ ክም ወጅብ ጠልቦ ምናም። ለረሳሚን ክሎም አበው እሉ! ለመልክ ሐቱ ዕንቱ ዐለ። ሀቶም አይ እብ ክም ከአፎ ትምሰል ገበይ እብ ክልኤ ዕንቱ እግል ልርሰሙ ቀድሮ ለኢገብእ ጋር ገብእ እቶም፣ ወእምበልሃመ ህቱ ሐንኪሽ ሰበት ዐለ እብ አየ ገበይ ምስል ክልኤ እገር ሰሊማት እግል ልርሰሙ ቀድሮ? ምናተ እለ ክሉ አዳም አቢ እሉ እት እንቱ። ምርት ረሳሚ ሀይ ለሱረት እግል ልርሰመ እሉ ለጠለብ ትከበትዮ፡ ወእብ ዐመል ሱረት ሰኒ ግርም ጀላላት ለመልክ ለልትረኤ ዲብ እለ ረሰመ። እብ ከፎ ገብእ?

እግል መልክ ብጣሩ እት እንቱ ወቡንድግዮት ንዕዮ ራፍዕ እት እንቱ ትካየለዩ (ሐቱ ዕንቱ እግል ለኔሽን እበ እቅሙጨ ክም ሀለ እመር ጋር ቱ) ወለ ሐንኪሽት እግሩ እግል ለከፍ እግል ልትወጤ ዐጽፈዮ። ወእብል ገበይ እለ ሱረት ሰኒ ግርምት ወሐበት ምን ዕዩብ ለመልክ ለኢልትረኤ ዲብ እብ ቀሊል ብሰር እግል ልርሰም ቀድረ።

ደሬት ሕናመ ብዕዳም ለእለ ተዐየበው ልትዐየቦ እብል እለ ብነ መቅደረት ዕዩቦም ለሰትር ክም እለ መስል ግሩም ሰወር እግል ንርሰም እሉም ምን እንጀራርብ፣ ወእለን ሱወር እለን እት ብዕዳም ነዐድዮን እት ሀሌነ በሀለት እብ ክሱሶም ምስል ብዕዳም ነሀድግ እት ሀሌነ፣ ለዕዩቦም ክም ትትሰተር እሎም ምን እንወዳ በሀለት ዔብ ለአለቡ ወድ ሚን አደም ሰበት የሀሌ፣ ወክል ዶል ለሐሰው ጋራት ናይ ርሕክ ወብዕዳም እግል ንሕሬ ብዲብኩ። ወለ ኢፋሉታይ አሸናክ ናይነ ልግበእ መናይ ብዕዳም ጀላብ ራሐትን ወራሐት ብዕዳም ብዙሕ ባል ምን ኢነሀይቡ ወሐሰ። ለገብእ በኒ አደም፣ ዕዩብ ብዕዳም እንዴ ኢለአቀምት

በህል

- አውዐክ ምስል ምን ሰፍረ ለጸግበ ነፈር ትትግሸር፣ እለ ምስሉ ለሀለ ከር ጋሻይ ቱ፡ ምስል ምን ጽጋብ ለሰፍረ ነፈር ተግሸር ምስሉ ለሀለ ከር ናይ ዲማት ከር ሰበት ቱ።
- ዐቅል እብ ዕምር ኢኮን ለልትቀየሱ ብዘሓም ነኢይሽ ሰብ ዐቅል ዛይድ ክም ሀለው ወእተ ክም ሰልሁመ ብዘሓም ዐባዩ ግሉላም ክም ኢልትሰእኖ እግል ልትአመር ለአስትህል።
- ማል መሳኒት መስለሐት ጀሚዕ እትኩ፡ ግርመት መሳኒት ሸህወት (ሸንሀት) ተኣክብ እትኩ፡ ምናተ አደብ ሰኒ ላቱ እግል ክሉ ዕምርክ መጦርክ ለገብእ መሳኒት ጀሚዕ እትኩ።
- ነፈር እንዴ አትቀጽብክ ዐፎ እግል ትጥለብ ምኑ ፈጅር ወሐቆ ፈጅር ኢቲበል፡ ምን አመረ እዲነ እምር ሰበት ኢኮን አምዕል ኢትብደረከ።
- እትለ እዲነ ለትከረዩ ከዋወት ከመ እት ረአሰ ሐጾ ለከይድ ነፈር ውደዮ፡ ሀቱ ክርንለ ጭፍሩ ኢትትሰመዕ፡ ምናተ አሰር ዋዳሕ ለሐድግ።
- ረቢ አልዓልሚን አቅዳር እተ ካፍል እቱ ወቅት፡ እንተ ትትሸንሆም ለዐልክ ጋራት ሐቆ የሀቤኩ፡ ምን እሎም ትትሸንህ ለጸንሐክ ተሐይሰ ሓቤዕ እግልክ ክም ሀለ ሸክ ኢትውዳ።
- ጀዋህር እት እበን እንዴ ኢገብእ እት አዳም ልትረከቡ።
- በርሀት እት ልብ እንዴ ኢኮን እት ዕንታት ኢትትረከቡ።
- ሕሽመት እት ኤማን (አግነዖት) እንዴኢኮን እት ብዘሐ ማል ኢትትረከቡ።
- ሰቅራት እብ አደብ ሰኒ እንዴ ኢኮን እብ ነሰብ ወሐሰብ ኢኮን።
- ሰብር እት ዶል ሕግላን ተ ኢንዲኢኮን ዶል ጽጋብ ኢኮን።
- ለዐበ ዓምል እግል ብንዮት ነፍሱ ራቀቦት ኖሰ ገብእ እትሀሌ፡ ለዐበ ዓምል እግል ደመሮት ነፍሰ ሀይ ራቀቦት ብዕዳም ቱ።
- እት ሰልፍ ክሉ ዔብ ርሐ ለአቀምት አደሚ ምን ለዐሌ፡ ዔብ ለቡ አደሚ በታተን ወኢትረከቡ።

ተበሰም ረሳይል ሻም

ሐቱ ወለት እብ በይነ ግሲት እት እንተ እብ ሱሓቅ ከዕ-ከዕ ትብል ለረአወ ጀማዕት፣ ደሐንኪቱ አፎ ትሰሐቅኪ? እት ልብሎ ትሰአለው። ሀተ ሀይ፣ “መሰንዮትዬ ዕልብ ተለፎን በዐል ሻምዬ እግል ሀበ ትሰአለተኒ!” ቱለቶም። ሀቶም ሀይ፣ “ከሰኒ፡ ዲብ እለ ለለአትሰሕቅ እሱውቱ?” ቤለው። ሀተ ሀይ፣ “ዕልብል ተለፎን ላቱ ሀብክወ ቱ፡ ወእላተ ረሳይል ሻም አሰክ ሐሀ ዲብ ትነድእ እለ ዮም ሳልሰ አምዕላ ተ” ቱለቶም።





አምር አሰርየት ዲብ መጅተመዕ ትግሬ

እት ኤረትርዮ ዐድነ ዲብ ዘበን ቅዱም ክም እሊ ናይ ኣዜ ዕያዳት ወአድወየት ዘበናይ እት ክል ኣነን ክም ምራድ ልትረከብ ኢትብረ። ከነፈር ምን ለሐምም፡ ምን እት ባካቱ ለሀላ ዕጨይ ልግበእ ወሓጃት ብዕድ፡ ለሐምም ምን አሻይሩ ክም ትፈረገ፡ ደወ መጅተመዕ ባሰር እሊ።

ምናተ ለበዘሐ አሰርየት ምን ዕጨይ ቱ ለዐለ። እሊ ህይ፡ ምን ዕጨይ ቀጠፋ፡ አቅሩዱ ወልሕጽ ደዋሆም ለሐዘት ነብረው። እሊ ባሳር እሊ ምስለ ናይ ኣዜ ሕክምን ጥወር ዶል ነአትጃግሩ፡ ሸዐብን ጥወር ክም ዐለ ልትረኤክ። ሰበቡ ህይ፡ እትሊ ዘበናይ ወክድ ቴክኖሎጂ ልትሸቂ ለሀላ ምን ሰይደልያት ንትዛቦዩ ለሀሊን አድወየት፡ መብዘሐ መወለቡ ዲብ ብቀል ከደን ለአተርግዘ።


ለሸዐብን ምን ዕጨይ ነሰኡ ድው፡ ኩሉ ደዋ ቱ ወምን ሕፍዝ ወአቅመቶት ለትበገሳ ቱ። ምናተ ዕልማይ መቃዩስ ሰበት ነቅሰ ምን፡

ሀላ ምን ገብእ፡ ልትለበክ ምን ወዲብ ጸሓይ ልትገሴቡ። ለሰንፈእ ክም የብሰ ዲቡ ህይ ሸብ ለአብሉ ከጸብጡ እሊ።

እምበልሁ መ ሰንፈእ፡ እግል ምናርሳም፡ ጸልዐት ሐዳሱ፡ ምስባር ወህይ እት ለገብእ ሕባዋ ልትለበክ። ዶልዶል ህይ ሐዳይ ምን ሰንፈእ እንዴ ነሰኡው ከደቁሱ ከዲብ ግራብ ወድው። ምን ሐ ልግበእ አው አግል ሐሊብ ለሐልቦ ዲቡ።

ሐቆ እሊ ኩቡዱ ፍጋር ተአፈግሩ ለህሉት ጅን ልግበእ ወዐቢ፡ እግል ሰንፈእ ምስለ ሐሊብ ለብጭቡጭ ሰቱ። ወለከብዱ እግህ ትትህወን ምን። አው መ ለሰንፈእት እት ማያት አው ሐሊባት ሐዳት እንዴ ተሓበረዩ፡ እግል ፍጋር ሕመም ለሀላ ነፈር እት እሊ በሌዕ ነብረ ጸብሕወን እሊ።

ሐትሐቱ ኢነት ህይ፡ ለሰንፈእት እንዴ ትደቀቀየ ልትቀሐመ



ለአርወ ከለአየቡሱ። ሐድ ሸልገት ወሰር ለገብእ እንዴ ነሰኡው ምን ህይ፡ ደቁቁ። ክም ተክመ ህይ እት ማይ ሐድ ለልሓፍሱ ወዱ ከእብ ከኣርም ዲብ እንቶም ዲብ ኩብደም እብ ሃለ ሰትው። እሊ ህይ እግል ለአቅይአም፡ እት ኩብድ ለትገሴት ነብረ አው ሰገ እብ መጅብ ፍጋር እግል ለአፍግር ምናም፡ ወአጽሩድ (ተብዕን ኩብድ) እግል ለአፍግር ምናም ሰትው። አሰክ ለአፈግርም ህይ ሴመ ኢነሰኡ ዲቡ።

እምበል እሊ መ፡ ሸልገት ወሰር ለገብእ ቅያስ ምን ከባሽ ድቁቅ፡ ዝበድ እንዴ አምክከው ዲቡ ለሓብሩ ከሰት። እሊ ህይ እግል ለአፍግርም ዶል ለሐዘት ለሰትው ቱ። “ባዲር ኣብዕብካ ቱ ወአዜ ማይ ዐዳይ ሰተ” ህይ ዲብ ክም እሊ ለትመሰለት መሰል ተ ገብእ?

ቅሰሊ፦
ቅሰሊ ዕጨይ ከደን ቱ። እት መሓዛት ወቀላቅል በቅል። ምን ቅሰሊት ቀጠፍ ቀንጥሾ። ሐቆሀ ግዝጋዘት ፈዳቢት እብ እዳሆም እንዴ ነሰኡው፡ እብ ማይ ልትለሐግ። ቆብ ለቡ ነፈ እንዴ ትላጽ፡ እሊ ልትለ'በክ።

እብ ዓመት ቅሰሊ ፍሬሁ ለልትበለዕ ሰበት ቱ። ምድረት ኢውዴ። ሓምል ወለገግ ለልብል ስጠጥ ሰበት ቡ ህይ፡ ምን እሊ አቅመቶት እሊ፡ ገቢልን እት ለገብእ ሕማም ቀርበት ልትለበክ። እግል ነዳፈትመ ጭገርከ ሐጽብከ እቡ ምን ገብእ፡ ለሓምሉ ወለአጸልሙ እልከ። ከምን እሊ እንዴ ትበገሰው ቱ። ጅኑድ ሰውረት እት መደት ንዳል፡ ክም ሻምቦ ጭገርም ለሐጽቦ እቡ ዐለው።

እሊ ኣብሳር እሊ፡ መጅተመዕን ምን ሚ እንዴ ትበገሰ ወድዩ ወልትላሬ እቡ ነብረ ዶል እንብል፡ ወድ አዳም ዲመ ሕገዝ ቱ። ወትሐገዝ ምን ገብእ መባሰራይ፡ መትመራምራይ ወምን ባካቱ ለሀላ አሸየእ መትነፈዳይ ቱ። “እድንዩ እብ በሰር ወአልአክረ እብ ዐመል” ለትበሀለትመ ግምሽ

ኢኮን። አዳም ህይ፡ እሰልፍ ለአቀምት፡ ሐጅሀ ምን ባካቱ ለሀላ አሸየእ ምስለ መሕዝብ ለገይሰ ሕሉል ለብእቱ አሸየእ ለሐሬ ወለአሬ። ምን እት ጅርቤ ለአቱ። እግል ኣረዩ ሓጃት ጃርቡ፡ ነፍዐዩ ምን ገብእ፡ ልትነፈዕ እቡ ወአነፍዐዩ ምን ገብእ፡ ለምድረቱ ሰበት ትከርዑ ለክፋ ወመንዑ።



ወላመ ሕመም ለሕማሙ አክል ሕድ ሰበት ኢፈሩት ወአለአሙሩ፡ እብ “ገብእ” ሰበት ቀሩሩ ቱ ለካጢ ወድዩ እንድኢኮን፡ ኩሉ ደለ ገባይልን ልትነፈዕ እቡ አድወየት፡ መንፈዐት ክም ቡ እኩድ ቱ።

አሰርየት እት ገቢልን ናይ ዐድ ወናይ ከደን እንዴ ትበሀለ እት ክልኤ ልትከፈል። ዴማቱ ምን ብቀል ወሐዋን ከደን ገብእ ምን ገብእ፡ ሰራይ ከደን ልትበሀል። ዴማቱ እት ሸፍር በሀለት ምን ተዋብ ወብቀል ግረህ ገብእት ምን ገብእ ህይ፡ “ሰራይ አው ደወ ዐድ” ልቡሉ።

ከምን ዕጨይ፡ ከተክት ወአቀዋፍ ወእብ ዓመት ብቅል ለልትነሰእ ሰራይ ምን ገሌ እግል ንርኤ ቱ።

ሰንፈእ፦
ሰንፈእ ምን መራይር ዐድ ቱ። እሊ በሀለት ሰንፈእ ክም እክል አዳም እንዴ ዘርእ እት ገርሀቱ ለልአበቅሉ ቱ። ሰንፈእ ምን ደወ ዐድ እት ገብእ፡ ክም በቅለ ወዐበ ፍሬ ወዴ። ምን ፍሬሁ ገሌ እንዴ ነሰኡው ደቁቁ። ሐቆሃመ እብ ማይ ልትለሐግ። ነፈር እንዴ ሐመ አሰጡሩ ወነሐሩ ለአመጽዱ

ከደርቦን ማያት ፊት ልብሎ። እምበል እሊ መ ሕማም ዴጃት ለቡ ነፈር፡ ምን ሰንፈእ ሐድ ሕፍን ለገብእ ደቆ ወዲብ ሰልቀ ለሓብሩ ወምስሉ ፈሌሕ ከልትሰቱ።

ዐዳይ፦
ዐዳይ ብቀል ከደን ቱ። ዕጨይ ዐዳይ ፍሬ ለአፈሬ። ዐዳይ ለፍሬሁ በሸለ ምን ገብእ ከባሽ ልትበሀል። ከባሽ ጥዑም ሰበት ቱ። ልትበለዕ። ከባሽ እግል ሰራይ ዶል ለሐዘው፡ ጥራይ ዲብ እንቱ



ምን ሕላይ ቀዳምያም እሸሐቅ ወድ ኣብሰላብ ለበለ

እሸሐቅ ወድ ኣብሰላብ ለልትበሀል ሓልያይ ምን መንሰዕ ቤት ኣብርሃ፡ ሐሁ ፍካክ ክም ሞተ ዲብ ቀቡሩ፡ ክእን ዲብ ልብል ሓሊ ቱ።


ቀብር ለቀብራ ቱ ወትቀበረ ለሞተ አሰናይ ረቢ ሰዳኩም እዲን ብዘሕ ቱ ለሐገት ሓረት ተ ለከንፈር ኣብ-ሀብቱስ ኢኮን እብላ ግፎተ ነፍሰክ ሐድረ ለመሀማጃ ነፍሰክ ሐድረ ለብቆተ ለውላድ ዐድ-ፍካክ ምን ሐንቲህ መአዜ ዐጦጦ እብ ንኢሽ ወእብ ዐባይ ባልሳም ኢኮን ለሐዘተ ክንገሪ ወግርባይ ለጸረ ድማን ቱ ሐገተ ወድ ሕመድ ወድ ገንደር ሐዱ ካሰኡ ምን ቶፊ ወድ ስልጣን ለክትፈት ቱ እትለ አቦተ።

አዛዚ ለልትበሀል መልህዩ ክም ሞታመ፡ እሸሐቅ ወድ ኣብሰላብ፡ እሊ ብሀል ቱ።

ምድሩ ሓድግ ኢሰኔ፡ ወቃትላይ ሐሁ ኢሰክብ አዳም ሐጥር ወረቅቅ፡ በኩ ቱ መርኬ ሸግርድብ ምስል ወድ በሐይላይ፡ ወምስል ክልኦት ሸንግብ ምስል ወድ ብእምነት፡ አውከ ለዲበ ነአተንክብ ለጋ'ሚ እንዴ አምረሐው፡ ከትጋሰው ዲብላ ደረሸብ። እብ በን ኢሞተት ቱ፡ ለእንጅት መንታይ ወድ ዘርኦት ክንቦብ ዐለት ነፍሰክ፡ ወአዜ ዲብ ሰብ ተሓበረት ዐምሳት ዐለት ገደቦ፡ ወምን ግሰሰ ትባከረት ነወይተ እግል ኒኪዶም፡ ቀብር ካምል ወዐንደለት።

ዴማት፡ ክታብ ሐይለት ትግራይት-1913





ብድረ ዐጃላት ካስ ሹሀደኝ

ጅግረ ዐጃላት 'ካስ ሹሀደኝ' አቅሊም ምግብ ለሐልፊት ሰንበት 14 ጁን እት ባካት መደሰሰት ተገኝቶ ተመዘ።

እሊ ጅግረ ክልኤ መርሐለት ለተለሀ ጅግረ እት ገብኤ፡ እትሰ ካልኣይት መርሐለት መትባድረት አዋልድ 98.1 ኪሎምትር መሳፈት ዲበ ትጃገረ። መትባድረይት ናዲ ዐጃላት ደንደን አድያም ዳዊት ሆይ፡ እት ሳዐት 38 ኪሎምትር እት ትትፊተት፡ እብ 24፡35ደ፡ ወገካልኢት አወላይት ኣቲት።

ነፈር ናዲ ዐጃላት ግብለት ሚዛን ሀብቲሰላሴ እብ ሕድ ሹብሀ ወቅት ካልኣይት ዲብ ትመጽእ፡ ወለት ፈሪቀ ናርዶስ ጸጋይ ሆይ፡ አርበዕ ካልኢት እንዴ ደንገረት ለኣቲት መጅሙዐት እንዴ ቀልበት ሳልሳይት ገኣት። ብርክቲ ፍሰሃዬ ምን ኣራግ፡ ርዘና ብርሃኔ ወርምና ግዑሽ ምን ናዲ ደንደን፡ አስክ ሳድሰ ተርቲብ ለሀለ ደረጃት ትካፈለዩ።

እብ ክእሉል ወክድ ምን ምግባይ ዕምር (ጃንዩር)፡ ርዘና ምን ናዲ ደንደን፡ አርሲግ ዐንደጌን ወራሄል ዐቅባይ ምን ኣራግ፡ ምን ዐባዩ ሆይ፡ ሱዛና ፍሰሃዬ ወሚዛን ሀብቲሰላሴ ምን ናዲ ግብለት፡ ክምሰልሁመ አድያም ዳዊት ምን አወላይት አስክ ሳልሳይት እንዴ ፈግረዩ ጀዋእዝ ነሰአዩ። ፈሪቅ ግብለት ሆይ እብ 15 ሳዐት፡ 11ደቂቀት ወ23 ካልኢት ዕዉት ካስ ሹሀደኝ ሰነት 2026 ገብኡ።

ዐባዩ ወምተሐት 23 ሰነት መትባድረት ሆይ፡ 147 ኪሎምትር መሳፈት ዲበ ትጃገረው። መትባድረይ ዳሕዩት ገዛባንዳ ኤሰርም ተሰፋይ ሆይ፡ እት ሳዐት 45.1 ኪሎምትር እት ልሂርር እብ 34፡15ደ፡ ወ56 ካልኢት አወላይ ዔረ።

ኤፍሬም ዘርእጋብር ምን ናዲ ዐጃላት ደንደን፡ ናኦድ በረከት ምን ናዲ ሰምበል፡ ዳንኤል መሓሪ እብ ብሕቶቲ፡ ሚክኤል ዳንኤል ምን ናዲ ደንደን፡ ክምሰልሁመ ርቤል ሀብቲማርያም ምን ናዲ ግብለት፡ ምን ካልኣይት አስክ ሳድሳይ ለኣተው ቶም። ኤፍሬም



ዘርእጋብር፡ ሚክኤል ዳንኤል ወአቤል ካሕሳይ ሆይ እብ ወቅት ክእሉል ተወወተው። እተ ናይ ፍሪቅ ድንክክ ሆይ፡ ናዲ ደንደን እብ 18 ሳዐት፡ 47ደቂቀት ወ27ካልኢት ዕዉት ናይ እሊ ጅግረ ጋብኡ ሆይ።

እምበል እሊመ ሸክል በሀለት ምግባይ ምግባር ውላድ መትጃግረት 52.3 ኪሎ ምትር ዲብ ገልብቦ።



እብ ብሕቶቲ ለትጃገረ መሓሪ ሀብቶም እብ 1 ሳዐት፡ 9 ደቂቀት ወ58 ካልኢት አወላይ እንዴ ኣተ ተወወተ።

እግሉ እንዴ ተለው ሆይ ናታን ሳሚኤል ወእሰይ ተሰፋዝገምን ናዲ ደንደን፡ ሳምሶም ክፍላይ እሰይ ወልደሩፋኤልምን ትጸብት ወሴም ዳንኤል ምን ናዲ ሳሊኔ አስክ 6ይ ለሀለ ተርቲብ ትካፈለው። 19 ንቅጠት ለኣክኢለል እሰይ ተሰፋዝገ።

እብ ኪሉል ንቀዋ አወላይ እንዴ ገብኦ ለኣተምም እት ሆይ፡ ሳምሶም ክፍላይ እብ 13 ንቅጠት ወመሓሪ ሀብቶም እብ 11 ንቅጠት እንዴ ኣኪለለው ካልኣይ ወሳልሳይ ደረጃት ጸብጠው። ናዲ ደንደን ሆይ እብ 32 ንቅጠት ዕዉት ካስ ሹሃዳኝ ገብኡ።

114.4 ኪሎ-ምትር ምን ለትረተብ እግሎም ምግባይም መትጃግረት፡ ናታን ሀብትኣብ ምን ናዲ ኤሪቴል ቲ፡ ዲብ ሳዐት 44 ኪሎ ምትር እት ልሂርር እብ 2 ሳዐት፡ 33 ደቂቀት ወ31 ካልኢት አወላይ ኣተ።

ምን ካልኣይ አስክ ሰሳይ ለሀለ ተርቲብ ሆይ ዮናታን ቴድሮሴ ዩኤል ሚክኤል ወእሰይ ኪዳኔ ምን ናዲ ዐጃላት ደንደን፡ ናኤብ ሙሴ እብ ብሕቶት፡ ክምሰልሁመ ንፍታሌም ቅዱስ ምን ናዲ ደንደን ለትወወተው ቶም።

ዮናታን ቴድሮሴ፡ መሓሪ ኣክለሉ ወዩኤል ሚክኤል፡ እብ ናይ ክልኢቱ መራሕል ወቅት ክእሉል ኣድሕድ እንዴ መርሐው ልትወወቶ ዲብ ሆይ፡ ናዲ ደንደን እብ 14 ሳዐት፡ 15 ደቂቅ ወ36 ካልኢት ዕዉት ናይ እሊ ጅግረ ገብኡ። እሊ ፈሪቅ፡ ዲብ ሰለስ መጃምዕ እብ መትዐዋቲ ሐሶ ኩሉ ለፍሪቅ እንዴ ገብኦ ዕዉት ሆይ።

እግል ዕዉታም መትጃግረት ወፍሪቅ ለትሆየበ ናይ መዳልያት ወካስ ጀዋእዝ ሆይ፡ ዲብ ደውለት ኣሚሪክ ለትብር ገዳም መትባድረይ ዐጃላት ሀብቶም መንግስቲ ለትበረዐዩ ክም ዐለ ተሐበረ።

እት ለግ አቅሊም ምግብ ፍሪቅ ኣዳሊስ ወኣተሕረር ዐውቲ ሰጅሎ

ሰንበት ዐባይ ዲብ ሰታድዩም አስመሪ እብ ክልኤ ትልሆ ለኣተላለ ሊግ አቅሊም ምግብ ውላድ ዲብ፡ ፍሪቅ ኣዳሊስ ወኣተሕረር እግል መትጃግረትም ቀልበው።

አልተሕረር፡ እት 13ይት ትልሆሁ ምስል ማይ-ተመናይ ተለሆ። እት ካልኣይት መርሐለት ሰኔ እንዴ ትደቀብ ማጽእ ለሀለ ፈሪቅ ኣተሕረር፡ ምን አርበዕ ትልሆይ፡ እት ሰለስ ዲብ ልትወወት፡ ዲብ ሐቲ ትልሆይ ሆይ ተዳደለ ክፈግረ። እብሊ ሆይ ደረጃቱ ምን ሳምናይት ዲብ ራብዓይት ዐ-ናገ ሆይ።

እተ ናይ ማሌ-ለሀ ትልሆሁመ፡ እግል ማይ ተመናይ ኢመሐከዩ። እት ሳምናይት ደቂቀት እብ ሂርምን ገብሬገርጊስ ጎል እንዴ ረክበው እብ ሚርሐት ዕርፍ እት ፈግሮ ሆይ፡ ምን ካልኣይ ሾት ደቂቀት ሌጠ ክም ተልሀው መተልሆሆም ብርሃኔ ተክሌሚካኤል ካልኣይ ጎል እብ ረይሐዮም። ሂርምን



መተልሆይ አልተሕረር፡ ሂርምን ገ/ገርጊስ

ኢታኩ፡ እት ዓሰራይት ደቂቀት እብ ቢንያም ግርማይ፡ እት 13ይት ወ17ይት ደቂቀት ሆይ እብ ሳምሶም ተክሰቲ ለኣተዮም ክልኢት ጎል እም 3-0 እት መሬሕ ዕርፍ ፈግረ።

ፈሪቅ ዘርእ ወተዋብ፡ ዲብ ወሰክ ወክድ 2ይ ሾት እብ ኣሮን ዐ-ሰማን ጎል ኣተው። ወቅት ሰበት ተመ ሆይ፡ ኣዳሊስ 3-1 ተወወተ። እዳሊስ እብ ሐቲ ዝያደት ትልሆይ እብ 26 ንቅጠት ምስል ፍሪቅ በሐር ቀየሕ ወደንደን ኣክል-ሕድ ሆይ። ሳምሶም ሆይ ለሐሰ መተልሆይ ናይለ ጅግረ ነሰኣ።

እሊ ክእነ ዲብ እንቲ፡ ትልሆይታት ሰር ነሃዩት ጅግረ ካስ ሹሀደኝ ናይ 2ይ ዲቪዥን ኣዋልድ ወውላድ ጋብኡ ዐለ።

ምን ናይ ኣዋልድ ጅግረ፡ ፈሪቅ እዳረት ሰንበል ወፈሪቅ ታለንት አቅሊም ምግብ ትዋጅሀው። ፈሪቅ እዳረት ሰንበል ሆይ፡ 4-2 እንዴ ተወወተ እት ካስ ካቲማ ሐልፈ። ፍሪቅ ጎዳይፍ ወዕዳገ ሐሙስ እተ እሙር ወክድ 90 ደቂቅ ናይ ትልሆይ 2-2 ሰበት ፈግረው። እብ ሪገሌታት እግል ልትፈናተው እበ ወደዉ ካድም፡ ዕዳገ ሐሙስ 2-0 እንዴ ቀልቡ፡ እት ትልሆይ ካስ ዕዳይ ሆይ።

እት ሚዳን ቺፔሮ እተ ገብኦ ናይ ውላድ ትልሆይታት፡ ፈሪቅ ደንደን 'ቢ' እግል ኣተሕረር 'ቢ' እብ ፋይሕ 4-0 እንዴ ቀልበ እት ትልሆይ ነሃዩት ኣልፍ ሆይ።

ፍሪቅ እዳረት ኣኸርዮ ወታሌንት አቅሊም ምግብ እተ ወደዉ ትልሆይ ሆይ፡ ኣኸርዮ እት 71 ደቂቀት ርቤል የማኔ እበ ኣተዩ እሎም ጎል 1-0 እንዴ ተወወተው ዲብ ትልሆይ ካስ ክም ተዐደው፡ ዕላቃት ሳም ናይለ ፈደሬሽን ወድሐ።



መተልሆይ ኣዳሊስ፡ ሳምሶም ተክሰቲ

ገብሬገርጊስመ እግል ርሐ 2ይ ወእግል ፈሪቅ ሳልሳይ ጎል ሰበት ደረዐ እሎም፡ አልተሕረር እብ እዴ ለዓሊት ትልሆሁ ዋሎ።

እት 72 ወ90 ደቂቀትመ እብ ኣክረም ኣደም ወአቤል ክፍሌ ክልኢት ጎል ለወሰክ ኣልተሕረር፡ 5-0 እብ ፋይሕ ቀልበ ክፈግረ። እሊ ፈሪቅ ንቀጡ ዲብ 20 ንቅጠት እንዴ ወቀሉ፡ ደረጃቱመ እት ራብዓይ እድሙኅ ሆይ። ሂርምን ሆይ፡ ናይለ ትልሆይ ለሐሰ መተልሆይ ገብኡ።

ትልሆይ ኣዳሊስ ወመኣሰሰት ተዋብ ንዋይ ወብቅል ለካልኣይት ጅግረ ዐለት። ፈሪቅ ኣዳሊት ምን ጽባብሐ ትልሆይ ዲብ መስለሐቲ እግል ለኣውዕለ ወክድ

ክብር ካስ የከም 2026



Ivory Coast 1-0 Ecuador

ዮም ዓመት 48 ፈሪቅ እንዴ ሐየበ ሰለስ ዳሊት በሀለት ከናደ፡ ኣሚሪክ ወሚክሲኮ ሕዳራቲ ለሀለዩ ካስ ዐለም፡ እት ሰልፋይት መርሐለቲ እለ ተ'ሌ ፍገሪት ባሕሕ ሆይ።

ሚክሲኮ እግል ግብለት ኣፍሪቀ 2-0፡ ግብለት ኮርየ እግል ጅምሁርየት ቺክ 2-1፡ ኣሚሪክ እግል ፓራግዋይ 4-1፡ ጀርመን እግል ክፍሳኦ

7-1፡ ስኮትላንድ እግል ሆይቲ 1-0፡ ኣውስትራልየ እግል ቱርክየ 2-0፡ ኣይሹሪትስት እግል ኤኳዶር 1-0፡ ወሰዊድን እግል ቱኒዝየ 5-1 ቀልበምም።

ንቀዋ ለትካፈለ ፍሪቅ ሆይ፡ ከናደ ወየዝዝየ 1-1፡ ቀጠር ወሰዊዘርላንድ 1-1፡ ብራዚል ወዋርኮ 1-1፡ ኔዘርላንድ ወጃፓን 2-2፡ መሰር ወቤልጃም 1-1፡ ስዑድዮ ወኡራንይ 1-1፡ ስፐይን ወኬፕሽርዴ 0-0



የርኮ ወብራዚል (1-1)



ምህሮ ወወቦች ህግዩ

ዶ/ር ሳልሕ መስመድ



ቴሌል ንዛም ምህሮ እት መደት ፈደሬሽን

ኤርትራዊ እብ ቀራር መጅልስ ቀራን 390(V) ዲብ ሰነት 1950 ምስል ኦቶብዩ እብ ፈደሬሽን ክም ትቀረገት፡ ዲብ ዮም 15 ወርሕ 9 ሰነት 1952 ሕኩመት ኤርትራዊ ተአሰሰት፡ እሰ ለተአሰሰት ናይ ኤርትራዊ ሕኩመት ፈደሬሽን ናይ ክርሰ-ዐድ ጋራት እግል ተአትመቃሬሕ እብ ድቡቲር ኤርትራዊ ስልጠት ህይብት ዐለት፡ ሸክል ሕኩመት ኤርትራዊ እብ 7 ከፊፍል ልትከወን ዐለ፡ ህተን ህዩ መጅልስ ለሰሐርዩ ርኢስ ሕኩመት፡ ጋራት እቅት ሳድ፡ ቃትን ወዐድል፡ ማልዮት፡ ዐቂብ ማል ሕኩመት፡ ማሕበራይ ጋራት፡ ወጋራት ክርሰ-ዐድ (አምን) ተን፡ ምህሮ ዲብ ልትከምክም፡ ወእብሊ ዲብ ሰነት 1953 ክፈል ምህሮ እንዴ ተአሰሰ ሸቅሉ አምበተ፡ ማደት 31 ናይ ድቡቲር ሕኩመት ፈደሬሽን ኤርትራዊ፡ ለጉብአ ወድ-ኤርትራዊ አው እት ኤርትራዊ

ለኩባር ነፈር ናይ መትዐላም ሐቅ ክምስል ቡ ሸሬሕ፡ ማደት 38 ህዩ ሀገጊት ትግርኛ ወዐረቢ እብ ቃትን ለልትአመረ ሀገጊ ሕኩመት ኤርትራዊ ክምስል ተን ሸሬሕ፡ እሰ በህለት ምህሮ እብሰን ክልኤ ሀገጊ ልትህዩብ በህለት ቱ፡ አቶብዩ እተ መደት ለህ ምን ናይ ኤርትራዊ ለሰሐርዩ ንዛም ምህሮ ሰበት ይዐለ እግል፡ ሕኩመት ኤርትራዊ እግል እት መደት እንግሊዝ እምቡት ለዐለ ንዛም ምህሮ እግል ተአተላሌ ሐሬት፡ ወእብሊ አወላይት መርሐለት (ምን 1ይ- 4ይ ፈሰል) እግል አሰላም እብ ዐረቢ ወእግል ክስታን እብ ትግርኛ፡ ምግባይት መርሐለት (5ይ-7ይ ፈሰል) ወካልኣይት ደረጃት (9ይ-12ይ ፈሰል) እብ ህግዩ እንግሊዝ እግል ልትህዩብ አምበተ፡ ሕኩመት ኤርትራዊ እት ማደት 31 ናይ ድቡቲር ሕኩመት ፈደሬሽን ኤርትራዊ እንዴ

ተንከበት፡ ለዲብ መደት ሕክም እንግሊዝ እምቡት ለዐለ ፍትሐት መዳርስ ሐዲስ ወበክት ድራሰት እግል ኩሉ ወድ-ኤርትራዊ እብ ለትወቀለት ገበይ አተላሌቱ፡ እት እምባተት ፈደሬሽን 13,500 ለዐለ ዕልብ ደረሰ፡ ሐቅ 10 ሰነት ዲብ ሰነት 1962 ዲብ 30,936 ትወቀለ፡ እሰ ናይ 157% ዐባት ቱ፡ ዕልብ መዳርስመ 145 መድረሰት በጽሐ፡ እሰ ዐባት ደረሰ እብ ደረጃት ምህሮ እንዴ ካፍለን ዶል እንርእዩ፡ ደረሰ አወላይት መርሐለት ምን 10,855 ደረሳይ ዲብ 24,507፡ ደረሰ ምግባይት መርሐለት ምን 1166 ዲብ 5581 ደረሳይ ትወቀለ፡ ፈደሬሽን ለአኩባት ዲብ ሀለ እት ኤርትራዊ ናይ ካልኣይት ደረጃት መዳርስ እምቡት ይዐለ፡ ሐቅ 10 ሰነት ፈደሬሽን እብ እምብራጦር ህይለስላሰ እንዴ ትክዩድ ኤርትራዊ እት ሐንቴ አቶብዩ ትአቱ ዲብ ህሌት ዕልብ ደረሰ ካልኣይት ደረጃት 848 ባጽሕ ዐለ፡ ገሌ ድራሳት ለወደው ምኤምረት ክምለ ልቡሉ፡ እትለ መደት ለህ ኤርትራዊ ምን እት ባኮት ለልትረከቦ ድወል ለሸፍገት ዐባት ድራሰት ባጽሐት ዐለት፡ እት ረኢስ እሰ ዕልብ አዋልድ አንሳት ደረሰ ምስል ደረሰ ወላድ ተብዕን ዲብ ልትሳንን ሰኒ ሐድ ምንመ ዐለ፡ ምን እት አቶብዩ ለዐለ ቴሌል ምህሮ አዋልድ አንሳት ላቱ ለሐይስ ክምስል ዐለ ልትሸሬሕ፡ እት ረኢስ እሰ፡ ምህንት ለለአደርስ መዳርስመ እት መደት ፈደሬሽን ተአምበተዩ ወፊይሐዮ፡ ሙመርዳት (ነርሳት) ለተአደርስ



ቤት ምህሮ ነርሳት አሰመረ፡ ለትፈናተ ምህናት ቴክኒክ ለተአደርስ ቤት ምህሮ ቴክኒክ አሰመረ እት መደት ፈደሬሽን አምቡተዩ ወተረደዩ፡ መደርሲን ለለአደርስ መዐሐድ አትዳለዮት መደርሲን አሰመረ (TTI) እት መደት እንግሊዝ እምቡት ምንመ ዐለ እት መደት ፈደሬሽን ሰኒ ረከቦ ወተረደ፡ እብ ዓመት ልትርኤ እት ሀለ፡

ምህሮ እት መደት ፈደሬሽን ሰኒ ረከቦ፡ እት መዳይን ዐባዩ ሌጠ ሕዳድ ለዐለ መዳርስ አሰክ ብር-አማደደ፡ ኪደት ፈደሬሽን ወሐቆሁ ለተለ ሐርብ ተሐሪር ማጽእ ምን ኢጉብእ፡ ሸዑብ ኤርትራዊ ንዮት ድራሰት ወቅል ሰበት ዐለት እግል፡ ኤርትራዊ እትለ መንጠቀትን እብ ምህሮ ደረጃት ወቅል እግል ትብጸሕ ትቀድር ክም ዐለት ሸክ አለቡ፡፡



ወቦች ህግዩ

እተ ለሐልፊ ዐሙድ 'ምህሮ ወወቦች ህግዩ'፡ ሀገጊ ኤርትራዊ እብ ከፎ ምን ናይ በህል ሌጠ ሀገጊ ዲብ ናይ ክቱብ ሀገጊ ክምስል ትበደለዩ ሻርሓም ዐል፡፡ እብ ፈድላ እት መደት ሰውረት ወለ እተ ናይ ሰልፍ ሰይታት ሕርዮት ለገብአት ካድም ትርድት፡ ዮሜተ ለሴዕ ሀገጊ ኤርትራዊ ኩለን ናይ ክቱብ ሀገጊ ገብአዮ፡ እብ ሴዕ ሀገጊት ኤርትራዊ ለለአደርስ መዳርስ ትፈትሐዮ፡ ኩለን ሀገጊ ኤርትራዊ ናይ ራድዮ በራምጅ በን፡ ኩለን ሀገጊት ኤርትራዊ አፍላም፡ ተማሲል ወሐልዮት ልትከተብ እበን ሀለ፡ ብዘሐሁ ምንመ ልትፈናቱ አክትብት እብ ኩለን ሀገጊ ኤርትራዊ ክቱብ ሀለ፡ ሰለስ ምን ሀገጊት ኤርትራዊ ህይ ዲብ ጀሪደት ወተለፍዝዮን ልትከደም እበን ሀለ፡ እት ለፈናተ እንክራት ዓለም ለልትረከቦ ወላድ-ኤትራዊ እብ ገበይ ኢንተርኔት ሀገጊሆም ልትነፍዮ እበን ሀለው፡፡

እግል ዐባት ወብዘሐ ሀገጊት ለከድም ዐገል ስዮሰት ወመትሰባል ሕኩመት፡ ለናይ ሰልፍ ሸርዋ እግል ዐባት ህግዩ ቱ፡ ሀለዮት ለትትከተብ እቡ ሐርፍ ህዩ አሰሩ አመጽእ ሸርዋ ቱ፡ ሐቆሁ ሐቱ ህግዩ ረኢስ ቀደም እግል ተአሳድር ገብአት ምንገብእ እግል ለሀሉ ለም ሸሩዋ ብዕዳም ህለው፡ ህቶም ህዩ፡ እት ኩሉ መጃላት ለከድም ከሊማት ዕጉል ለከምክም ቃሙሰ (ክብት ቃላት)፡ ኩሉ ቀዋኒንላ ህግዩ ለከምክም ሰዋሰው ዕጉል፡ ወክም መወለብ (መርጃዕ) ለከድም ለትፈናተ አክትብት ቶም፡ ከገድም ሀገጊ ኤርትራዊ እብሊ መክዩል እሰ ዶል ልትቀዮስ አክል አዩ ገጸን እት ዐባት ሀለ? ሕኩመት ኤርትራዊ ኩሉ ወድ-ኤርትራዊ እብ ህግዩሁ እግል ልድረስ ወልትነፈዕ ወህግዩሁ ወዓዳቱ እግል ልጠውር ለለአትናይት ዐገል ሀገጊ ሰበት አፍገረት ወእት ፍዕል እግል

አውዐሎቱ መትሰባል ወቁል ሰበት አርኤት፡ ሀገጊ ኤርትራዊ እግል ልዕቦዩ ለአወላይ ሸርዋ ታምም እግልን ሀለ፡ ለካልኣይ ሸርዋ፡ ሀለዮት ልትትከተብ እቡ ሐርፍመ ምን እንርኤ ኩለን ሀገጊት ኤርትራዊ ኩሉ አክራንን ለወክል ሐርፍ ታምም ሀለ እግልን፡ ከእብሊ እግል ዐባትን ቀደም ለለአተብል ካልኣይ ሸርዋ ታምም እግልን ሀለ፡ እግል ዐባት ሀገጊ ኤርትራዊ፡ ካድም ትርድት ተአትሐዝዩ ለህሉት ሀለዮት ቀዋሚስ ወሰዋሰው ቱ፡ ለበዘሐ ሀገጊት ኤርትራዊ ቀዋሚስ ርሐብ ወአክትብት ሰዋሰው ታምም አለበን፡ ከእብሊ ክል-ዎር እብ ዐባት ህግዩሁ ለልትሐሰር፡ እብ ሐሉቱት ዲብ አትዳለዮት ቀዋሚስ ወሰዋሰው እግል ልትበገስ ቡ፡ ዎር ከእብ እንክሩ ምንዲ ጀርብ፡ ናይ ኩሉ ምስል ክም ትከምክመ መወለብ (መርጃዕ) ትሩድ እግል ልግበእ ቀድር፡፡

ሰአላት ተክተት ከሊማት

- | | |
|------------------------------|-------------------------------|
| ሰምዋ | ታኪ |
| 1. ወዳይ ኢራቲዕ | 1. ክም ዐራት ለእንሰክብ እቱ |
| 2. ገመል ንኡሽ | 3. ዎር ምን ጅንስ ብላዕ |
| 5. ሐቆ ንሱእ/ዝሉም | 4. እግል ቀትል አንጹት ለእንተብሐ ሐዋን |
| 7. ዎር ምን 4 ሐን ሰነት | 6. አንስ ወመርዓዩ ለልትሰርገወ ሰርገ ወርቅ |
| 9. ቢዛ | 8. ፍንጌ ኩሉም |
| 11. አክል አዩ | 10. እት ዓዳት ባሊ ለተንከበ ዓዳት ወሰሰዲት |
| 13. ጃእር/ላምድ | 12. መድረይይ |
| 15. ሓጃት ማይተት/በሃይት | 14. ቅብላት ቀሎት |
| 16. ወላድ ሰልፍ | 15. ሰይት/ድሕርት |
| 17. ዎር ምን ክልኤ ክፍል | 18. መአከብ ርዘቅ ዲብ ቤት ተካይብ |
| 20. ሐቱ ምን አው ከደን | 19. ገበል |
| 21. ዋሉል/አክደር/በኪት | 20. እግል ክልብ ጀር ወእግል ዲርሆ |
| 22. ሸፈት | 23. ማንዳብ/አቤር |
| 23. እብ እሰ | 24. ክዘበት |
| 26. ማይ ሓለፊ/ማይ ከደን ሀበ | 26. ዶረ |
| 28. ለዐቤት ሰሬረት እት ዓለም | 27. ዎር ምን ጅንስ አክል |
| 29. ብላሽ/ሐቆ ባዲ | 29. ለእኩባር እተ አነን ብኒት |
| 30. እት ከብድ ብለቅ ለህሉት አነን መጽሀይ | |
| 31. ሐቱ ምን አምዕሉታት ሳምን | |

